
Kata Penaruh

Mejuah-juah man banta kerina perpulungen Tuhan. Erpengarapen kami gelah kerina kita lit bas mejuah-juah i bas keleng ate Dibata man banta. Sikataken Bujur pe man Tuhan sebab kerina dahin gerejaNa erdalan alu mehuli.

Mulai wari enda bengket me kita ku bas Pekan Doa GBKP silakoken selama sepuluh wari dekahna. Telu wari silakoken i bas jabunta sekalak-sekalak ras pitu wari dekahna silakoken ka i bas perpulungen. I bas tahun enda tema besar i bas kita ngelakoken Pekan Doanta e me Ertoto Alu Megisgis (Daniel 9:20). Kata enda encidahken sada sikap Daniel i bas ia ertoto man Dibata. E maka i bas sada minggu i bas perpulungen nu ate ibabai kita arah kebaktinta gelah erngasupna ertoto sebage sada kebiasaan ngeluh, njadikan toto sebage sarana perjumpaan ras Dibata, ras tentu ngidah maka ulih jababen toto lit bas kuasa Dibata. Khusus i bas wari si pepituken si bahan ibadah Pekan Doanta alu erbahan metode meditasi.

Mbelin kal arapen kami gelah kerina kita ersikap. Kerina serayan mehuli erbahan persikapen alu erbahan sermon. Bage pe pengurus PJJ rikut ras seksi musik ersikap i bas kerina lagu-lagu si lit gelah kebaktinta pe banci erdalan alu mehuli.

Kami Moderamen GBKP ngatakan bujur man PPWG GBKP ras Abdi Karya si nggo erdahin seh maka buku enda banci ilitken. Adi lit masuken ras saran i bas Pekan Doa enda banci si endesken ku PPWG GBKP.

Bagenda me kata penaruh enda ibahan kami, selamat ngelakoken Pekan Doa man banta kerina, Tuhan si masu-masu kita kerina.

Kabanjahe, 2026

**Rikut Tabi Ras Mejuah- Juah,
MODERAMEN GEREJA BATAK KARO PROTESTAN**

Ketua Umum, Sekretaris Umum,

(Pdt. Kriskas I. Barus, M.Th.,L.M.)

(Pdt. Yustus Bangun, M.Th)



DAFTAR ISI

Kata Penaruh	1
Daftar Isi.....	2
1. Kebaktin Pra Pekan Doa GBKP, Kamis 14 Mei 2026 Tema : Jabu Si Malang Man Tuhan	3
2. Kebaktin Pra Pekan Doa GBKP, Jumat 15 Mei 2026 Tema : Pasu-pasulah Kesusurenku	7
3. Kebaktin Pra Pekan Doa GBKP, Sabtu 16 Mei 2026 Tema : Ersada Aarih Dingen Sikeleng-kelengen	11
4. Kebaktin Pekan Doa GBKP Tahun 2026 Wari I Minggu 17 Mei 2026 Tema : Ertoto Alu Mengisngis	14
5. Kebaktin Pekan Doa GBKP Tahun 2026 Wari II, Senin 18 Mei 2026 Tema : Ertoto Man Tuhan	21
6. Kebaktin Pekan Doa GBKP Tahun 2026 Wari III, Selasa 19 Mei 2026 Tema : Tuhan Aloken Tendingku	29
7. Kebaktin Pekan Doa GBKP Tahun 2026 Wari IV Rabu 20 Mei 2026 Tema : Erlebuh Suari Berngi Man Tuhan	39
8. Kebaktin Pekan Doa GBKP Tahun 2026 Wari V Kamis 21 Mei 2026 Tema : Tatap Janah Dengkehken Pertotonku Tuhan	47
9. Kebaktin Pekan Doa GBKP Tahun 2026 Wari VI Jumat 22 Mei 2026 Tema : Meseksek Mindo Man Tuhan	56
10. Kebaktin Pekan Doa GBKP Tahun 2026 Wari VII Sabtu 23 Mei 2026 Tema : Tuhan Si Pekena-Kena Aku	64
Aron Si Mpersiapkan Bahan Pekan Doa GBKP Tahun 2026	71
Lampiran Topik Pertoton Sapaat Daerah PI	72
Lembar Saran	84

0000oo0oo0000



**KEBAKTIN PRA PEKAN DOA GBKP
(i Rumah)
WARI I, KAMIS 14 Mei 2026**

I. Persikapan i bas jabu

- Nikapken kerina siiperluken i bas kebaktin ras ngaturken si ertugas
- Perkundul iarapken bentuk **lingkaren**
- I bas rende asa bancina iiringi musik (adi lit si beluh ergitar/er keyboard bas jabu) ntah pe *idownload* arah HP

II. KEBAKTIN

1. Rende : Yesus Di dalam rumahku- When Jesus in the family

Yesus di dalam rumahku

Senang-senanglah... 3x

Yesus di dalam rumahku

Senang-senanglah...2x

When Jesus in the family

Happy-happy home...3x

When Jesus in the family

Happy-happy home..2x

2. Pendilo Ku bas kebaktin (Ibabai Nande)

Tuhan kap ulu kerina sinasa lit i bas geluhta. Lalap ikelengi ras ipasu-pasuNa jabunta enda. Seh maka ngasup kita ndalani kegeluhenta teptep warina. E maka marilah si sembah Tuhan arah kebaktin Pekan Doa i tengah jabunta enda. Si persada pusuh ras ukurta i bas pertotonta..

3. Ertoto (Ibabai Nande)

4. Responsoria kerna kemalemn ate si tuhu-tuhu (Masmur 1:1-3)

Anak Malem me ate kalak si la megiken pedah kalak jahat, si la ngusih pebahanen kalak perdosa, si la erteman ras kalak megombang man Dibata.

Orang tua Tapi keriahenna e me matuhi undang-undang TUHAN, dingen ngukurisa suari ras berngi.



Kerina Ia seri ras batang kayu si turah i tepi lau anak, erbuah i bas paksana, dingen bulungna pe la melus. Sangap ia i bas kerina pendahinna.

5. Rende : KEE GBKP No. 374 :1-2

Jesus ulu kegeluhenku, Kam me ngenca pengendesenku
Lalap tedeh ate pusuhku, Kupehaga Kam bas geluhku

Reff : O Tuhan pernehen pusuhku, Siertedeh ate man baNdu
Kugelem pedah ras padanNdu, kusembah Kam i bas geluhku

Ku sembah Tuhan penebusku, Si mereken kekelengenNa

Alu tutus reh aku Tuhan, Ras kerina isi jabungku **Reff** : ...

**6. Renungen (Ibabai Bapa)
(Ibenaken ras idungi alu pertoton)**

Ogen : Masmur 112:1-3

Tema : Jabu Si Malang Man Tuhan

Teptep kalak berbeda cara memaknai kemalemen ate. Lit si malem atena adi melala ertana, lit ka malem atena adi sukses anak-anakna. Tapi bas kinatana, si idah nterem ka kalak si kurang kal kemalemen ate si inanamina erkiteken lit sada bagin si kurang akapna rusur bas geluhna. Misalna, lit kalak melala ertana, tapi la ersada arihna ntah la nggit sekolah anakna. Lit ka kalak si ersada kal arihna ras tutus sekolah anakna, tapi sulit ka ekonomina. Enda me megati siidah ras sigejapken kinata geluh enda.

Masmur 112 :1-3 enda nuriken kerna kemalemen ate si ialoken kalak si erkemalangen man Tuhan. Bas perdalanan geluhta, banci jadi siidah nterem nge kalak si ngikutken Tuhan, tutus gereja ras perpulungen, janah pe ikut muat bagin bas pelayanen, tapi terbeban ia ndalankenca. Megati turah jungut-jungut ntah keluhen bas pusuhna. Tentu labo kalak sibage si imaksudken pemasmur bas teks enda. Tapi kalak si erkemalangen man Tuhan si imaksudken i jenda e me kalak si **ermeriah ukur ngikutken perintah-perintahNa**. Si labo merasa terpaksa ntah terbeban i bas ngikutken Tuhan, tapi si ergiah-giah ukurna ndarami ras ndalanken perintah Tuhan. Kalak sibage, bagi nina Matius 6:33, icukupi Tuhan kerina keperlunna.



Adi si perdiateken arah teks enda, lit 2 pasu-pasu ntah pe kemalemen ate sialoken kalak si erkemalangen man Tuhan, e me:

➤ Anak-anak erkuasa i negeri, kesusurenna ipasu-pasu pagi. Kata erkuasa, adi bas terjemahen Indonesia ipake kata “perkasa”, si ertina megegeh ras lit pengaruhna, adi kin erperang ndai menang ia. Enda nuriken kerna kalak si erkemalangen man Tuhan e, anak-anakna ngasup ngkuasai dirina, la gampang terpengaruh keadaan tapi justru maba pengaruh positif ija pe ia ringan, dengen pe la nukah menyerah adi lit pe persoalan. Janah kata kesusurenna, berarti la terjeng anakna, tapi pe kempu ras entena ipasu-pasu kerina.

➤ Isi jabu si bayak namura ras kebujuren si lit rasa lalap. Bayak namura si dimaksud i jenda e me, pasu-pasu siialoken e la terjeng jasmani tapi pe secara rohani. Banci sibayangken, di kune lit kalak mehaga ras mehuli reh ia ku sada kuta atau mungkin ku rumahta, melala ibabana luahna janah meriah siakap ibahanna. Tentu lebihen Tuhan asangaken kalak si mehaga ras mehuli e, man kalak si malang man bana. E maka kasa kai kalak si malang man Tuhan, besur ibahanNa alu kiniulinNa, ras e la bersifat sementara tapi kekal selamana.

Adi bage pasu-pasu si isikapken Tuhan man jabu si malang man baNa. Tentu kita pe tedeh ateta maka jabunta pe ikut min ngaloken kerina enda. Mari dage, mulai genduari ersada arihta, guna tetap erkemalangen man Tuhan bas jabunta. Meriahlah ukurta ngikutken kerina perintah-perintahNa. Ersada arihta, sikeleng-kelengen kita bas jabu enda. Jenari sijadikan rumahta jadi inganta ersembah man Dibata. Adi lit perbebenta, saling menopang kita bas pertoton i tengah jabu enda. E maka mari sipersada tekadta alu ras-ras kita ngatakenca : **“Jabu enda, jabu sierkemalangen man Dibata” (Seisi jabu radu ras melaskenca). Amin**

7. Rende : KEE GBKP No. 414 : 1-2

Ndiko ulina padan Tuhan e, Nandangi k’rina isi jabu pe Sangap kal jabu si malang baNdu, Si nggeluh ngikutken perintahNdu
Reff : Kam Dibata si ngkelengi tetap, Pasu-pasuNdu simpar kap tetap

‘Ndiko ulina padan Tuhan e, Nandangi k’rina isi jabu pe Sialoken ulih kelatihennta, Mehuli me sikerajangenta **Reff** : ...



8. Pertoton sapaat

Pertoton sapaat ilakoken berantai, ibenaken i bas anak, nande ras bapa

- Notoken orang tua ras keluarga besarna (nini-bulang ras si debanna), kerna kesehaten ras pendahinna **(ibabai Anak)**
- Notoken anak-anak alu nggelarisa sada persada rikutken kecibalna, perbeben ntah sura-surana **(ibabai Nande)**
- Notoken kiniersadaan arih ras gelah seisi jabu malang man Tuhan bage pe notoken keluarga serayan si lit i bas sektor/PJJna **(Ibabai Bapa)**

9. Rende : Kumau Cinta Yesus Selamanya (janah sijemaken tan/ bergandengan)

Ku mau cinta Yesus selamanya..2X

Meskipun badai silih berganti dalam hidupku

Ku tetap cinta Yesus selamanya

Ya Abba Bapa, ini aku anakMu

Layakkanlah seluruh hidupku

Ya Abba Bapa, ini aku anakMu

Pakailah sesuai dengan rencanaMu

10. Pertoton Tuhan

Pdt. Ribka Mayasari br Tarigan, S.Th, MM

HP/WA : 085297149714



**KEBAKTIN PRA PEKAN DOA GBKP
(i Rumah)
WARI II, JUMAT 15 Mei 2026**

I. Persikapen i bas jabu

- Nikapken kerina siiperluken i bas kebaktin ras ngaturken si ertugas
- Seisi jabu kundul membentuk lingkaran
- I bas rende asa bancina iiringi musik (adi lit si beluh ergitar/er keyboard bas jabu) ntah pe *idownload* arah HP

II. Kebaktin

1. Rende : “Ku Cinta K’luarga Tuhan”

Ku cinta k’luarga Tuhan
Terjalin mesra sekali
Semua saling mengasihi
Betapa s’ nang ku menjadi
Keluarga Tuhan. } 2x

2. Pendilo Ku bas kebaktin (Ibabi Bapa/ Nande)

Sikataken bujur man Tuhan erkiteken keleng ateNa jabuta maka iberekenNa denga waktu man banta guna rende ras ertoto radu ras bas rumahta enda. Marilah alu pusuh si bersih si sembah Tuhan arah kebaktin pra-pekan doa i tengah jabuta enda sibenaken i bas pertoton.

3. Ertoto (Ibabi Bapa/ Nande)

4. Rende KEE GBKP No. 3:1-2 “Puji Dibata E”

Puji Dibata e, Raja mbelin si mulia
Kita kerina erjimpuh ertoto ku IA
Pulunglah min! Rende ersurak me kin
K’rina me kam manusia

Puji Dibata e, si ngrajaisa kerina
E maka kerajang jelma mehuli jadina
Rajanta e, numpak ginemgemNa nge
Em peraten bagidina



5. Responsorial kerna Pasu-pasu Tuhan (Jeremia 17:7-8)

Orang tua Tapi kalak siernalem man bangKu, Kupasu-pasu kap ia.
Anak Ia bali ras batang kayu si turah deher lau maler, uratna njoler seh kempak lau.
Orang tua La aru atena tupung paksa perlego, erkiteken bulungna tetap meratah.
Anak La aru atena tupung paksa perlego, lalap meramis buahna.

6. Rende : KEE GBKP No. 199:1 “Senang Gundari Geluhku”

Senang gundari geluhku, Ban Tuhan negu langkahku
Kuja pa pe perdalanku, Tetap tanNa gelemenku
Reff : Tuhan nemani geluhku, CikepNa tanku meteguh
Dibata pengendesenu, I bas tanNa aku ‘nggeluh

7. Renungan (Ibabai Bapa) : (Ibenaken ras idungi alu pertoton)

Ogen : 1 Kronika 17:23-27
Tema : Pasu-pasulah Kesusurenku

Ertoto eme perjumpata ras Tuhan, sierbahanca kita ngasup nggejapken kuasaNa. Kita rusur ertoto nungtungken isi pusuhta man Dibata. Kiniteruken ukur me sierbahanca kita ngasup ngidah belinna pemere Dibata i bas kegeluhenta. Selaku kalak sierkiniten tentu rusur nge kita ertoto subuk guna dirita, keluargata ntah pe kesusurenta, bage pe guna kalak si deban. Dikune kita ertoto man Dibata alu dem kiniten ras pengarapen tentu mpekena kegeluhenta seh maka penting kal segelah kita nggeluh i bas totota kempak Dibata. Ertoto pe mpengasup kita mpebelin-belin kinitenkenta man Dibata.

Kitab 1 Kronika nuriken sejarah Israel ras Juda. Salah sada tujun maka ituliskan Kitab Kronika e me; *sipemena* ncidahkan maka aminna pe kerajaan Israel ras Juda itindih kiniseran, tetap nge Dibata ncikep padanNa man bangsa e, dengen nerusken rencanaNa guna bangsaNa arah kalak si tading i Juda. *Sipeduaken*, ncidahkan bena-benana acara kebaktin i rumah pertoton i Jerusalem terlebih-lebih kerna susunen jabaten imam ras kalak lewi si ertugas i bas acara kebaktin e.

Arah Kitab 1 Kronika 17:23-27 nuriken pertoton Raja Daud i bas ngatakan bujur man Dibata. Kenca ipeseh Nabi Natan man Raja Daud kai



si ipedahken Dibata man bana, maka lawes Raja Daud ku Kemah Perjumpan jenari kundul ia ertoto man Dibata. Ija i bas pertotonna itandaina bana i adep-adepen Dibata, alu ngataken "aku ras keluargaku la metungging ngaloken kai si enggo ibahanNdu man bangku" (ay.16). Palas pertoton Daud eme penggejapen ras kesadaren Raja Daud reh tangkasna iidahna keleng ate Dibata sabab perbahanen Dibata man bana seri bagi kalak si mbelin gia suruh-suruhan nge ia tapi ipehaga Dibata kap ia. Raja Daud nuriken kerna Dibata setia nandangi perpadanenNa. Tuhan Si Mada Kuasa e Dibata Israel si enggo mpetangkas kerinana man Raja Daud (ay. 24-25).

I bas enggo igejapken Raja Daud kerna keleng ate ras kesetian Dibata nandangi ia, e maka isehken Raja Daud pengarapenna arah pertoton kempak Dibata e me segelah ipasu-pasuNa la saja Raja Daud tapi pe kesusurena gelah terus ermeriah ukur i bas kiniulin Dibata, janah tetaplah pasu-pasu e tading bas kesusurena rasa lalap (ay. 26-27).

Kesusuren eme kebayaken bas orang tua. Janah lalit orang tua si ngasup ngidah kesusurena ngeluh i bas kiniseran. Biasana si tergelar orang tua nggit ngelakoken kai-kai saja pe segelahna kesusurena sikap kegeluhenna janah sikeleng-kelengen i bas kegeluhenna. Bagi sekalak Raja Daud si mindo man Dibata gelah ipasu-pasuNa kesusurena, bage me pe kita tetap ertoto segelahna ipasu-pasu Dibata kesusurenta gelah meteh mehuli, erkiniteken kempak Dibata, seh maka padan Dibata man kerina kalak si erkiniteken man baNa banci isehkenNa. Tetaplah sitotoken kesusurenta. Sibahanlah jam ertotota ras teman geluhta kerna kesusurenta. Sikap kita kundul ras-ras nehken pengarapenta man Dibata nandangi kesusurenta si kitik denga, si paksana sekolah bage pe si enggo erjabu gelah tetap ermeriah ukur i bas kiniulin Dibata. Amin.

8. Rende : KEE GBKP No. 249:1-2 "Ajar Aku O, Tuhanku"

Ajar aku o Tuhanku, Make Kata rasa pedahNdu
Kuete payo ras sentudu, Kuikutken bas geluhku.

Reff : Si ngikut pedah Dibata, Daten me kerembakenNa
Pedah kata tangkas krina, Em jadi gelementa.

Tatah aku genduari, Arah dalin si mehuli

Lalap min Kam kutimai, Gelah aku iapuli **Reff** : ...



9. Pertoton sapaat

Pertoton sapaat ilakoken berantai, ibenaken i bas nande, anak ras bapa

- Notoken keluarga besar ras seisi jabu gelah mejuah-juah i bas kesehatan ras pendahinna **(ibabai Nande)**
- Notoken orang tua gelah tetap paguh i bas kesabaren, i bas erkiniteken ras erdahin **(ibabai Anak)**
- Notoken cita-cita anak jabu, pelayanen ras jabu serayan ras pengurus sektor **(Ibabai Bapa)**

10. Rende : KEE GBKP No. 425:1 "Adi Ras Jesus"

Adi ras Jesus malem naring pusuhta

IperdiatekenNa me kita ban kelengNa

Amin gia jumpa erbage percuban

La kap itadingkenNa kita isampatiNa

Reff : Malem me ate, Je kita pe dat dame

Ras keriahen ukur, Bene me kebiaren

Tading me keguluten, Mberat jadi menahang

Pusuh pe jadi salang

11. Pertoton Tuhan (ibabai Bapa)

Pdt. Oktorina br Surbakti, M. Th.

HP/WA : 081376206662



**KEBAKTIN PRA PEKAN DOA GBKP
(i Rumah)
WARI III, SABTU 16 Mei 2026**

I. Persikapan i bas jabu

- Nikapken kerina si iperluken i bas kebaktin ras ngaturken si ertugas
- Seisi jabu kundul membentuk lingkaran
- I bas rende asa bancina iiringi musik (adi lit si beluh ergitar/er keyboard bas jabu) ntah pe *idownload* arah HP

II. Kebaktin

1. Paksa teneng

Orang tua : Mari sipesikap pusuh ukurta, tek kita Dibata hadir i tengah-tengahta i bas paksa enda.....

2. Rende KEE GBKP No. 243:1-2

Siraskenlah si puji k'rina, Tuhanta ras kiniulinNa
'Ngkunduli kursi kerajan, Ku je ukurta min si ban
I jem' kepeken erta e, Sinama kesangapen e
I jem' kepeken erta e, Sinama kesangapen e

'Di IA kel nge Pengulunta, Si bujur saja ban gurunta
E kita ginemgemNa kap, Si arus ngikut pe tetap
'Nggo ipesaiNa dalin e, Ku surga kitalah dage
'Nggo ipesaiNa dalin e, Ku surga kitalah dage

3. Ertoto

4. Renungen iogeken Anak (Ibenai ras idungi alu pertoton)

Ogen : Pilipi 2:1-4

Tema : Ersada Arih Dingin Sikeleng-Kelengen

Gia bayak, mehaga, adi la ersada arih labo lit malemna, sebalikna gia bas perbeben si mberat adi lit kiniersadan arih ras sikeleng-kelengen si mberat e jadi menahang dingin malem ateta. Jadi kunci kemalaman ate bas geluh enda adi lit ersada arih ras sikeleng-kelengen.

Sada arih pengertinna labo terjeng sada pendapat, tapi keharmonisen bas pusuh ukur erkiteken hubungannta ras Dibata bage pe hubungannta ras temannta manusia. Lit je penggejapennta bage pe sada perukurennta (akal budi) guna memahami ras ndalakan kai si ngena ate Dibata dingin si mereken kiniulin ku bas geluhta. Nginget kita ngeluh i bas kinierbagen perukuren maka arus lit proses ija kerinana ngukuri ras



ndarami kai si jadi peraten Dibata guna jadi titik temu i bas litna perbedan. Proses enda eme arih-arlah entah runggu segelah radu ras ngangkai kai peraten Dibata si mereken kiniulin ku bas geluhta.

Sikeleng-kelengen rehna i bas perintah Jesus nari e me : “.....sikeleng-kelengenlah kam. Bagi Aku enggo engkelengi kam, kam pe min arus sikeleng-kelengen (Joh. 13:34). Engkelengi e labo pilihan erpalasken dorongen perasaan manusiawi, tapi erpalaskan pengataken bujur man Dibata arah Jesus Kristus si enggo leben engkelengi kita, alu bage kita engkelengi tanpa syarat bagi sinilakoken Kristus. I bas kita engkelengi sitataplah Kristus, labo sitatap diri kalak si man kelengen si megati kal tuhu la bagi ukurta.

I bas penjara nari Paulus nehken pedah segelah perpulungen ersada arih dengen sikeleng-kelengen, sabab lit indikasi perpulungen e la ersada arih erkiteken biak erbana-bana ras litna ambisi pribadi. Paulus nuriken maka kegeluhen perpulungen e i bas Kristus, alu bage lit gegeh guna siajar-ajaren, lit pengapul (penghiburen) entah pe kata-kata si menenangkan, lit kiniersadan i bas Kesah, sabab i bas Kesah si Sada e kalak si erkiniteken ipetubuh, dengen lit kekelengen ras perkuah ate nandangi kalak si deban, ertina dorongen emosi si rehna i bas pusuh si mbagesna nari. E me kinatana kegeluhen kalak si enggo lit bas Kristus.

Erpalasken kegeluhen i bas Kristus pemindon Paulus segelah perpulung e nggeluh ersada arih, ertina gia lit perbedan arus kerinana berfokus ku bas sada tujun e me kemuliaan Dibata. Sikeleng-kelengen si palasna labo perasaan manusiawi tapi erpalasken komitmen guna ersura mereken si mehulina man kalak si deban. Ersada geluh ras perukuren ertina ibarat erbage-bage musik mereken sora i bas irama ntah ketuken si seragam nciptaken harmoni lagu si ntabeh ndengkehkenca. Bage me arusna kegeluhen kalak si tek. Si perlu ipedauh e me biak kerangapan (eme biak si la ngukurken kalak si deban, terjeng ngukurken dirina ras keuntungenna jine), dengen ukur meganjang (erpengakap maka lebihen ia asangkan kalak si deban dengen ndarami pujin si sea-sea). Tapi si payo e me meteruk ukur dengen la nganggap dirina ulin asangkan kalak si deban. Kalak si erkeleng ate mesikel jadi pelayan, tapi kalak si meganjang ukur mesikel guna ielai.

Jadi si ersada arih dengen sikeleng-kelengen e me tanda si teridah selaku jabu si enggo dewasa kinitekenna. Jabu e pasti ngukurken kai si mehuli dengen si ngena ate Kristus guna ilakokenna. E maka salin kita ngukurken kai si mehuli man banta, ukurken pe simehuli man kalak si



deban khususna man anak jabunta. Adi bapa bahanlah malem ate ndeharana ras anak-anakna. Adi nande bahannalah meriah ukur perbulangen ras anak-anakna. Bage pe anak ersuralah ia tetap uga gelah meriah ukur ras malem ate nande bapana. Uga gelah kita ngasup ngelakokenca? Kiniersadan ras Kristus me si jadi ulu gegeh dengen kepentarennta guna erbahan si mehuli man jabunta. Adi lit kalak ersura ngenanami kemalemen ate ras keriahen si tuhu-tuhu i bas geluhna idalankennalah pedah kata Dibata enda.

Jenari i bas sada minggu enda silakoken me Pekan Doa. Sibabalah anak jabunta guna ertoto raduken kerina perpulungen Dibata. Kiniersadannta ertoto ras-ras ncidahkan kiniersadannta selaku kula ni Kristus. Bagi perpulungen pemena i Jerusalem ras-ras ia pulung guna ertoto, bagelah kita ras anak jabunta pulung raduken kerina perpulungen ertoto man Dibata. Selamat mengikuti Pekan Doa, Tuhan si masu-masu.

5. Rende KEE GBKP No. 296:1,2

Man baNdu Jesus Tuhanku, Kuendesken geluhku
Ukur ras perbahanenku, geluhku Kam si mada
Kempak Jesus kerinana, geluhku Kam si mada
Kempak Jesus kerinana, geluhku Kam si mada

Tan ku erdahin man Tuhan, nahengku ngikut IA
Mataku natap man Jesus, si kupujiken IA
Kempak Jesus kerinana, si kupujiken IA
Kempak Jesus kerinana, si kupujiken Ia

6. Ertoto:

- Segelah anak jabu tetap ersada arih dengen sikeleng-kelengen
- Segelah jabu banci membiasan diri arih-arih muat simehulina sue ras si ngena ate Tuhan
- Segelah seisi jabu ipengasup Dibata ngikuti Pekan Doa wari si pemena seh pepituken
- Siturah i bas jabu
- Lumpuati alu erbahan pertoton Tuhan

7. Sisalam-salamen

Pdt. Juda Dipa Sebayang, S.Th
HP/WA : 081374387220



**KEBAKTIN PEKAN DOA GBKP
(I Perpulangan)
WARI I, MINGGU 17 Mei 2026**

I. PERSIKAPEN KEBAKTIN

- Nikapken kerina keperluan kebaktin
- Ngaturken si maba toto sapaat

II. KEBAKTIN

Kata penaruh ku bas kebaktin

Enggo pulung kita guna nerusken Pekan Doa-ta i bas perpulangan kenca telu wari kita ngelakoken Pra Pekan Doa i bas jabunta sekalak-sekalak. Pekan Doa-nta tahun enda ngangkat tema: **Mindo Alu Mengisngis**; siertina i bas kita mpenangkih pertotonta man Tuhan arus alu bulat ukur, kiniteken si megegeh, erpengarapen ku bas pertotonta, ras si debanna. Alu bage sigejapken maka ertoto e labo terjeng formalitas, rutinitas, rangkaian kata si metunggung ibegiken kalak si deban. Tapi toto e me kata si rehna i bas pusuh peraten sekalak anak sinuriken ukurna nandangi Bapana. Mari dage sibenaken kebaktinta enda alu pengarapen gelah Tuhan nemani dengen mpengasup kita ngelakokenca.

- Ertoto

---- *Perpulangan Tedis* ----

- Rende: KEE GBKP No. 270:1,2
Ermengkah ras ertoto, Em keg'luhen si payo
Bas Kristus k'riahenta, Meteruk ukurta
Reff: I bas senang ntah susah kecibal geluhta
Pujilah Tuhan, Kataken bujur alu bulat ukur
Meder udan ras baho, Petir gelap ras lenggur
Tumpat ukurku labo, Kukataken bujur **Reff:** ...

Votum, Salam ras Invocatio

- L I bas gelar Dibata Bapa sinepa langit ras doni, i bas gelar AnakNa Jesus Kristus Raja gereja, ras i bas gelar Kesah Si Badia si jadi penampat man banta manusia.



Perkuah ate ras dame i bas Dibata Bapa ras i bas Tuhan Jesus Kristus nari, i bas kerembaken Kesah Si Badia ras kita (kam) kerina gelah, amin.

P Amin...amin...amin (*iendeken*)

L “Erkiniteken ertina tek nandangi kai si iarapken kita, tek kerna si la idah” (Heber 11:1).

Rende KEE GBKP No. 227:1,2

Katakenlah man pusuhku, Pepankenlah bas ukurku
IdemiNdu kegeluhenku, Tetapkenlah pengarapenku
Pegaralah kinitekenku, Alu Kesah ras KataNdu

Si ingetlah wari Tuhan, PedahNa e si pakeken
B’ritaken Kata Dibatanta, Man k’rina bekas tinepaNa
Pegaralah kinitekenku, Alu Kesah ras KataNdu

--- *Perpulungen Kundul* ---

Kata Dibata Kerna Pertoton

L Daramilah Tuhan tupung banci Tuhan jumpa ras Ia, ertotolah man baNa tupung Ia ndeher Tuhan.

P O Tuhan, dengkehkenlah pemindonku, perdiatokenlah pertotonku, Kam kap Bapa inganku ertoto.

.....***ertoto secara pribadi notoken kecibal kegeluhen***.....

L Erkiteken sie, ertotolah min perpulungen alu tutus i bas kerina keriahen bage pe kiniseran geluh, gelah adi reh galumbang kesusahen bage pe keriahen ukur la monce kinitekenna.

P O Dibata, ertoto aku man baNdu sabap idengkehkenNdu aku, nulih Kam man bangku jenari idengkehkenNdu rananku.

.....***Ertoto gelah tetap ngasup erpengendes man Tuhan***.....

L+P Rende KEE GBKP No. 176:1 (2x)

I bas toto kubelasken, Seh man baNdu Tuhanku
Ajar aku lah ngaloken, Si mehuli akapNdu
Pertotonku bagi Jesus, Sanga bas kinis’ranNa
Labo peratenku Bapa, PeratenNdu jadilah

Pengakun dosa kerna kinata ertoto

L Mari dage sirenungken; engkai ndia maka mekattep kita lupa ertoto. La kita rusur ertoto, lit deba mekisat ertoto. Lit ka deba la ia tek nandangi pertotonna jine. Lit deba la pang ertoto, lit ka



deba la biasa ertoto. Ras mbue tuhu kal alasen maka la kita ertoto.

Ppaksa teneng.....

L Tole siakuken dosanta alu ngendeken KEE GBKP No. 362:1, 3
AlemiNdu aku bas dosangku, AlemiNdu aku bas lepakku
O Tuhan sasap min, O Jesus sasap min
Alemi dosangku

Ku janari 'ku baba geluhku, DengkehkenNdu min pingko-pingkoku
O Tuhan sasap min, O Jesus sasap min
Alemi dosangku

--- *Perpulungen Tedis* ---

Pengalami dosa

L Nina Dibata man kalak singakuken kesalahenna : “Mari, dahilah Aku maka kam Kukelini, o kam kerina bangsa i doni. Sabab Aku ngenca Dibata, la lit si debanna” (Jes. 45:22).

L+P Rende KEE GBKP No 269: 1,2
Enggo masap dosangku, K'rina perban dareh Jesus
Malem ate tendingku, K'rina perban dareh Jesus
Reff : O, dareh Tuhanku, Si 'ngklini tendingku
Badia geluhku,, K'rina perban dareh Jesus

Dame me kap pusuhku, K'rina perban dareh Jesus
Labo perban bujurku, K'rina perban dareh Jesus **Reff :** ...

--- *Perpulungen kundul* ---

Kata Dibata (ibenai ras idungi alu pertoton)

Kotbah : Daniel 9:20-23

Tema : Ertoto Alu Mengisngis

Bena Kata

I bas bahan Pekan Doa-nta tahun enda, kita iajari kerna: Ertoto Alu Mengisngis. Kata mengisngis tuhu-tuhu mbages kal ertina e me tutus (sungguh-sungguh), tek nandang pertoton e, tulus, rehna i bas pusuh peraten si mbagesna nari, erpalasken kiniteruken ukur, ras si debanna. Biasana maka pang kita mengisngis mindo man sekalak jelma tentu arus maka ndeher hubungenta ras ia; banci hubungan keluarga, perkadekaden entah pe teman meriah. Adi labo lit kedekaten emosionalta ras, labo kita pang mindo alu mengisngis man bana. Bage adi man Tuhan;



kalak si tek arus ertoto alu mengisngis man Tuhan; ula menggo, mekarus entah pe formalitas saja. Labo ngena ate Tuhan pertoton kalak si bage rupana. Erkiteken sie, arah bahan Pekan Doanta, kita iajari gelah ersikap i bas pertotonta.

Pebagesi Pengangkan kerna teks

Bahan Kotbahta wari enda nuriken kerna Daniel si sangana ertoto dengen malekat Gabriel langsung reh i bas pertotonna e. Lit piga-piga pengajaren arah pengalamen Daniel i bas bahanta enda:

- Daniel ertoto alu mengisngis; iturikenna i bas bahanta enda maka Daniel e tuhu-tuhu mengisngis i bas pertotonta man Tuhan (kata “mengisngis” ipake 2 kali). Kata pemena si ituliskan oratenta eme “terus aku ertoto;...”; encidahkenca maka Daniel la erleja-leja mindo pengalemi dosa, mindo arah pertotonna man Tuhan. Ije teridah ketutusan ate Daniel i bas ertoto, la ia mekarus, tuhu-tuhu akapna penting nandangi kai siitotokenna, meteruk ukurna nimai jawaben Tuhan, ras si debanna.
- I bas pertoton Daniel la ia lupa ngakuken dosana ras bangsana. I bas pertotonna la lupa Daniel ngakuken dosana rikut ras dosa bangsaNa; ertina maka labo ka mekarus Daniel reh ngadap man Tuhan. Itehna maka ia labo metunggung reh nembah dengen mindo man Tuhan, sabab ia kalak perdosa, bangsana pe mekatap erbahan si la ngena ate Tuhan. Erkiteken sie, Daniel ngakuken dosa lebe, jenari maka iturikenna ukurna man Tuhan.
- Kerehen Tuhan nandangi pertoton Daniel: Dibata reh njumpai Daniel erkelang-kelangken malekat. I bas paksa Daniel ertoto man Tuhan, enggo reh Tuhan arah malekatna guna njumpai Daniel guna nerangken kai si isungkun Daniel arah pertotonna. Arah enda teridah maka Daniel la ertima nandangi jabapen Tuhan, minter kal ialokenna ulih pertotonna.
- Hubungan Daniel ras Tuhan tuhu-tuhu ndeher; si enda teridah arah jabapen malekat Gabriel nandangi Daniel (ay. 23). Ije iturikenna maka keleng kap ate Dibata man Daniel. Dibata erkeleng ate man Daniel; sienda teridah arah kerina si ilakoken Tuhan man bana. Daniel selamat i bas gua singa nari, Daniel tetap nembah man Tuhan aminna pe enggo lit aturen guna nembah patung si ibahan kaisar paksa sie. Kerina si



ilakoken Tuhan man Daniel bagepe si ilakoken Daniel arah kinitekenna man Tuhan, teridah maka ndeher kal hubunganNa ras Daniel.

Penutup

Bagenda me arah pengajaren wari sipemena enda, kita iajuk gelah mengisngis i bas pertotonta. Ula kita lupa ertoto, tutus kal ateta ertoto, meteruk ukurta, tek nandangi pertotonta, bulat ukurta dengen tetap kita ertoto i bas kegeluhenta. Memang labo kerina pertoton ijabab Dibata bagi si ibahanna nandangi Daniel, ijabab tupung ia ertoto man Tuhan, tapi banci jadi pertotonta e membutuhkan waktu guna merekenca, janah banci ka nge pemindonta e la iakap Dibata payo man banta. Memang cara mindo alu mengisngis labo menjamin totonta ijabab Dibata secara langsung. I bas sibage rupana, kita arus sabar, megenggeng dengen tetap erpengarapen maka pasti nge ibegiken Dibata pertotonta.

Pengakun kinitekan

(Perpulangan Tedis)

Persembahan

(Perpulangan Kundul)

a. Kata Dibata sijadi palas persembahen: Lit kalak melumbar mere tapi tambah-tambah kebayakenna, lit kalak pelit tapi tambah-tambah kemusilenna. Melumbarlah mere maka kam reh bayakna (Kuan-kuanen 11:24-25b).

b. Rende : KEE, No 420:1-

Asa gegeh ras kengasupen,, Kami nehken persembahen.

Endesken kami baNdu Tuhan, Alu dem keriahen.

Reff: Ajari kami ngergaken, talenta ras kiniliten.

Arah ukur ras perbahanen, Tuhan ipermuliaken

Simpar tuhu kami aloken, Pasu-pasuNdu O Tuhan

KelengNdu i gejakpen kami, Kam kap si negu kami **Reff:** ...

Arak-arak tetap o Tuhan, Kegeluhen anakNdu e

Gelah ngasup tetap Tuhan, Makeken si tading e **Reff:** ...

c. Ertoto kerna persembahen ras Pertoton sapaat

Topik Doa sapaat:

- Kerina ngawan Perpulangan GBKP tetap ertoto man Dibata guna nuriken kerina kecibal kegeluhenna.
- Kerina serayan Tuhan ras perpulangan gelah radu megegeh i bas ndalani kegeluhen



- Daerah PI
 - Klasis Lau Baleng : GBKP Runggun Kuta Gamber Liren, GBKP Perpulungen Gunung Pamah, GBKP Runggun Lau Njuhar, GBKP Perminggun Lau Peske, GBKP Runggun Paya Mbelang, GBKP Runggun Sp. 3 Lau Garut, GBKP Runggun Bukit Makmur, GBKP Runggun Tingkat 3, Pos PI Pintu Angin Sukadame, GBKP Perpulungen Lau Meciho, GBKP Runggun Tanjung Sari Km. 10.
 - Klasis Riau Sumbar : GBKP Perpulungen Sei Pagar Rg Pekanbaru, GBKP Perpulungen Tasik Serai Rg Kandis
 - Klasis Kabanjahe : GBKP Perpulungen Gung Pinto Rg Naman, GBKP Perpulungen Dalam Jahe Rg Kutarayut
 - Klasis Sinabun : GBKP Perpulungen Rih Tengah Rg Ujung Deleng, GBKP Perp. Liang Merdeka Rg. Tanjung Merahe, GBKP Perp. Mburidi Rg. Kuta Male, GBKP Perp. Buah Raya, GBKP Runggun Jinabun, GBKP Rg. Kuta Galuh, GBKP Rg. Kutabuluh Gugung.
- Siturah bas perpulungen
 --- *Perpulungen tedis* ---

Tekad guna ndalani geluh tetap erpalas ku bas pertoton

- L Selaku anak-anak Dibata, tetaplah pegegehi banta alu kiniteken dingin pertoton man Tuhan. Ertotolah kita alu penampat dingin pengajari Kesah Si Badia. Bahanlah maka pertotonta e njagai geluhta gelah tetap rembak ras Dibata.
- P Kucidahkan kiniteken ras kerembaken geluhku man Tuhan arah pertotonku. Tuhan mpersingeti aku gelah tetap ertoto, tek nandangi pertoton, njadikan pertoton jadi palas i bas ndalani kegeluhen. Tek kal aku maka Dibata megiken pertotonku.
- L+P Tuhan, begikenlah pertoton kami, Amin.

Rende: KEE GBKP No. 381:1,3

Sura-sura Jesus bangku, Ersinalsal tetap
 Nggeluh bujur ras mehuli, Si ngena atena

Reff: Ersinalsal terang, Em sinisuraken Jesus
 Ersinalsal terang, Ku tetap ersinalsal

Kupindo Jesus nampati, Njaga pusuhku e
 Gelah ngasup ersinalsal, Ngikutken Tuhan e **Reff: ...**



Pertoton Tuhan

Pemasu-masun

- L Laweslah ku kegeluhenndu si teptep wari, cidahkenlah ulih pertotonndu man doni arah kegeluhen si teptep wari. Cidahken maka kalak si ertoto alu mengisngis, megegeh i bas ndalani kerina kecibal kegeluhen, guna jadi gegehndu, alokenlah pasu-pasu i bas Dibata nari:
Lias ate Tuhan Jesus Kristus, kekelengen Dibata Bapa ras kerembaken Kesah Si Badia ras kita (kam) kerina gelah, amin.
- P Amin...amin...amin (*iendeken*)

Pdt. Liza Selvina Br Tarigan S.Th., M.M

HP/WA : 081370442166



KEBAKTIN PEKAN DOA GBKP (I Perpulungen) WARI II, SENIN 18 Mei 2026

I. PERSIKAPEN

- Ngaturken si ertugas ras perlengkapan guna kiniraturen kebaktin
- I bas liturgi pekan doa lit ije peran orang tua bage pe anak i bas ndalanken liturgi pekan doa. E maka marilah si usahaken lit hadir anak-anakta KAKR ras Permata.
- Kerna kundul ras tedis si aturken rikutken situasi inganta pulung.

II. KEBAKTIN

Kata Penaruh Ku Bas Kebaktin

Mejuah-juah man banta krina kekelengen Tuhan, i bas wari enda bengket kita ku bas kebaktin Pekan Doa wari si peduaken bas perpulungen. I bas wari enda si jadi tema man banta e me kap “Ertoto Man Tuhan”. Tema enda ngingetken kita kerna hal si pentingna kal bas kegeluhen enda e me kap membangun hubungan pribadinta ras Tuhan sue ras fokus sasaran gerejanta e me kap membangun relasi ras Tuhan. Salah sada cara guna membangun relasi ras Tuhan e me kap ertoto man Tuhan. Tole kari sibegiken kerna kata Dibata si jadi palas bas pengangkanta seh maka kita ertanggung jabab ndalanken kekelengen man turang seninata sabab kita keluarga i bas Kristus. Mari dage ersikap kita, ras kita ertoto....

Ertoto

Rende KEE GBKP No. 205:1-2 (Perp. Tedis/Ngendesken Perlengkapan Kebaktin)

Reh lah min o, Tuhan, sikap kami k’rina, Ersembah man baNdu jenda
Nusurlah min Tuhan, bahan sikap k’rina, Ukur kami pebadia
O, Bapa b’re gelah, daten pasu-pasu, Kami k’rina enda

Tuhan Dibatanta lit bas rumah enda, Nembah kita k’rina baNa
Alu kehamaten mungkuklah man baNa, Kula, tendi pe kerina
Aloken KataNa ras pasu-pasuNa, UsekenNa banta



Votum-Salam

- L I bas gelar Dibata Bapa, i bas gelar AnakNa Jesus Kristus, ras i bas gelar Kesah Si Badia.
Penampat man banta (ndu) reh i bas Jahwe nari simereken kegeluhen man banta (ndu) sekalak-sekalak. Amin.
- P Amin... Amin... Amin... (*iendeken*)

Berita Kerna perbahanen ras sura-sura Dibata (Invocatio)

- L “Lebuhlah Aku e maka kualoi kam. Kuturiken ateKu man bandu perkara-perkara si mbelin si la terantusindu” (Jeremia 33:3).
Erpalasken kata Dibata enda, si puji Ia alu ende-endenta **KEE GBKP No. 332:1-2**
Totonta begikenNa, Keleng ateNa kita
Ertoto isuruhNa, Em si ngena ateNa
- Mbelin kal kuasaNa, Ras perkuah ateNa
Sipindo si erguna, Lah terpuji gelarNa

Ertoto Ngarapken Dibata (Mazmur 31) (Perp. Kundul)

- L Ku Kam kami cicio o TUHAN ula pelepas kami kemalun. Kam kap Dibata si bujur, mindo kami, maka ikeliniNdu kami.
- P Begiken min pertoton kami pedas min Kam reh mulahi kami.
Jadi min Kam deleng batu ingan kami cicio, kubung kami si nteguh ingan kami terkawal.
- L Kam kap ingan cebuni dengen benteng kami, tegu-tegu dengen babai kami erkiteken gelarNdu.
- Mamre Tegutegu kami maka ula kami kena siding itogeng kalak man kami.
- Moria Ampang-ampangi kami maka ula kami kena cilaka.
- Anak Endesken kami geluh kami bas tanNdu, o TUHAN Kam kap si ngkelini kami. Kam kap Dibata si setia.
- P Pujilah TUHAN! Andiko belinna keleng ate si icidahkenNa.
- L Kam kap pengarapen kami o Tuhan, Kam kap Dibata kami.

Rende KEE. No. 493:1-3

Nehen aku o Tuhan, 'Nggo kerik kel gegehku
Perbeben ngerimrim aku, Sampat aku Tuhan



Tegu aku o Tuhan,, ‘Nggo ndauh aku sirang
Lanai ku ‘teh jingkangku, Sampat aku Tuhan

K’lengi aku o Tuhan, ‘Nggo labuh kal tendingu
Kam ngenca pengapulku, Sampat aku Tuhan

Kinilangasupen nggeluh bagi si ngena ate Dibata

L Nina Kata Dibata bas Jesaya 55:6 “Daramilah TUHAN tupung banci
denga jumpa ras Ia, ertotolah man BaNa, tupung Ia ndeher denga.”
Tapi rusuren denga kita la mereken waktuta guna ertoto man
Tuhan.

P **Rende KEE GBKP No. 394:1**

Tuhan Alemi aku, Alemi dosa ras kesalahenku

Bereken bangku pusuh si mbaru, Gelah metunggung i adepenNdu

L Melala kel persoalen si reh nderpa kita bas kegeluhenta subuk
erkiteken sakit pinakit, anak-anak lenga megiken ajar, lenga
jumpa rejeki, rubat sirubat bas jabu, tuntutan dahin ras biaya
kegeluhen ras si debanna. Tapi rusuren denga nge kita ertangel
sisada ngasangkan mereken waktuta guna ertoto man Tuhan.

P **Rende KEE GBKP No. 394:2**

Tuhan alemi aku, Sura-surangku rusur kuikutken

Ajari aku kerna p’ratenNdu, Petangkas kai arus kulakoken

P Tuhan megati kami la reh ertoto man baNdu. Ipebelin kami rusur
diri kami arah gegeh kami. Alemi kami.

L **Mari dage si akuken dosanta arah ende-endenta KEE GBKP
No. 355 (iendeken 3x)**

Alemi aku, O Tuhan alemi

Ibas dosangku, alemilah Tuhan

Berita Pengalemi Dosa

(Perp. Tedis)

L Turang ras senina, kenca siakuken salah ras lepakta man Dibata, e
maka selaku persuruhan Dibata, aku nehken kataNa man banta
(bandu) kerina, nina Dibata: “kutamakan me undang-undangKu
ku bas pusuhna, janah kusuratken me ku bas ukurna.” Tole nina,
“kulupaken me dosa-dosana ras perbahanenna si jahat.” (Heb.
10:16b, 17). Meriah kal ukurta erkiteken salah lepakta enggo
ialemi Dibata. E maka sidadhken keriahen ukurta alu ngendeken
KEE GBKP No. 44:4,5



Ernalemlah man baNa, Man Dibata e!
Tadingken k'rina dosa, Ras ceda ate pe
IpersanNa me k'rina, Keberatenndu e
Pedas isampatiNa, Ngangkat susahndu e

B're min ipesikapNa, Lagu langkahndu e
Kepentaren ukurNa, Njujurken k'rina e
Tondel kin nge ukurNa, Lako mulahi kam?
Je ipetangkaskenNa, GegehNa e ku kam

Kata Dibata

Kotbah : **Lukas 6:12-16** (ibenaken ras idungi alu pertoton)

Tema : **Ertoto Man Tuhan**

PERLEBE

Bas tahun 2026 fokus pelayanan GBKP e me kap "Relasi Dengan Tuhan". Fokus pelayanan enda salah sada bas perayakenna e me kap setiap perpulungen/pribadi mereken waktu guna ertoto man Tuhan. Toto e me kap sada ruang sibanci memfasilitasi manusia ngerana ras Tuhan. Reh buena waktuta ngerana ras Tuhan maka semakin bertumbuh hubungenta ras Tuhan. Alu litna pertumbuhan e maka salah sada manfaatna e me kap perpulungen ngasup megenggeng ngalaken kegeluhen subuk bas paksa sikap bage pe la sikap. Pertumbuhan e me jadi fokus pelayanenta bas tahun 2026.

ISI

I bas bahan invocatiota Jeremia 33:3 ngajarken kita kerna sada pengalaman spiritualitas nabi Jeremia tupung ia ipenjaraken bas kesain pengawal istana. Jeremia nuriken ku perpulungen kerna uga ulih bas kita erpengendes man Tuhan bas kegeluhenta. Jeremia naksiken maka penampat, pergegeh, ras janji pengarapen bas Tuhan nari la ngenca sekali tapi roliah ulih igejapkenna reh ku ia bas ndahiken dahin si isuruh Tuhan. Bahan invocatio enda salah sada ingeten Jeremia si iturikenna ku bangsa Israel maka bas Jeremia ngenanami kiniseran Tuhan nuruh Jeremia guna erlebu man Tuhan, gelah ia ialoi Tuhan, janah la ngenca ialoi tapi ituriken Tuhan perkara-perkara si mbelin si la terantusi kita si erbanca kita kagum man Tuhan. Janah arah kekagumen enda erbanca tetap ukurta dengen naluken kinibiaren bas kita.



Bahan ogenta bas Lukas 6:12-16 nuriken kerna salah sada aktivitas si lakoken Jesus e me kap ertoto man Tuhan bas paksa erpagi-pagi si lampas sope ndahiken kerina pendahinNa. Bas ayat 12 ituliskan maka Jesus ertoto man Tuhan seh terang wari. Bas Injil Markus 1:35 tangkas isuratken kerna “erpagi-pagi si lampas sope denga terang wari keke Jesus lawes la ku ingan si melenget guna eroto”. Enda menegaskan maka bas pagi-pagi si lampas Jesus enggo ertoto man Tuhan. Enda sada tradisi/kebiasaan si enggo jadi ritual pribadai Jesus guna ertoto erpagi-pagi si lampas kenca ngelewati berngi si mbages.

Lit sada pengangkan maka tupung tunduh, kepentaren lanai ngiani manusia. Sebage contoh, pengalamen Daud sebage raja. Bas kitab Masmur Daud ertoto man Tuhan mindo penampat. Daud nuriken maka amin gia ia sekalak raja, tapi adi go tunduh ngadi ia jadi raja. E maka seh kal perluna ia penjaga situhu-tuhu, si njagai ia. Pengalamen enda ngingetken kita maka situasi manusia adi enggo tunduh berubah. Tupung tunduh lanai ringan kepentaren, kedaulaten, gegeh ras si debanna.

Pengalamen si datas nuriken maka kita manusia bas hitungen 6-8 jam tupung tunduh sama sekali kepentaren la ringan bas dirita. E maka bas situasi sie identitasta baik arah jabatannta, fungsita, nilaita, karirta, la terandalken kita. Tuhu-tuhu Tuhan Dibata secara totalitas si berperan. E maka patut kal kita ngataken bujur man Tuhan arah totota bas kita go medak arah tunduhta.

Lukas 6:12-16 menggambarkan dua hal. Sipemena, ngerana kerna kebiasaan si enggo jadi karakter man Jesus. Jesus nggejapken kuga pengarak-ngarak Tuhan bas ngelewati berngi si mbages. Janah eme rebanca tupung Jesus medak arah tunduhNa si pertama silakokenna e me kap ertoto man Tuhan. Ngataken bujur man Tuhan bas pengarak-ngarak ngelewati berngi si mbages. Sipeduaken, ngerana kerna pendahin si enggo ertima. Adi tupung tunduh manusia la iingani kepentaren, tentu situasi berubah tupung manusia medak, maka kepentaren lit bas ia. Tentu saja kesempatan guna benar ras salah banci terjadi rikutken kengasupen manusia mengelola kepentarena. Jesus menyadari maka bas situasi si e perlu kel ercakup-cakup ras Tuhan siempuna kegeluhen. Alu bage la kita salah muat keputusan bas pendahinta si enggo nimai kita. Bas bahan oratenta salah sada aktivitas silakoken Jesus kenca Jesus ertoto man Tuhan e me kap memilih ajar-ajarNa. Ijenda banci si idah uga Jesus tuhu-



tuhu erpengendes ras mereken ruang man Tuhan guna banci memimpin kepentaren si lit bas la bas ndahiken dahinNa.

Pendungi

Arah bahan teks pekan doanta enda, ngingetken kita maka ertoto man Tuhan e me sada bagian sicukup penting bas kegeluhenta. Jesus anak Dibata pe mereken pelajaran sipenting e me kap bas erpagi-pagi si lampas Jesus ertoto man Tuhan. Semakin kita mereken dirinta guna banci ertoto man Tuhan maka semakin kita bertumbuh bas penandaita kerna Tuhan. Penandaita kerna Tuhan arah pengalamen spiritulitas pribadita mpeturah gegeh bas kegeluhenta. Seh maka megenggeng kita ngalaken kegeluhen baik paksa sikap ras la sikap. Sekaligu la kita salah muat keputusan.

Perpulungen Tedis

Pengakun Kiniteken (*Ibelasken Mamre, Moria, Permata ras Saitun*)

Persembahen Pengataken Bujur

(Perp. Kundul)

a. Kata Dibata Kerna Persembahen Pengataken Bujur
Ngataken bujur e me persembahen sipehagaken Aku janah sipatuh ngikutken Aku tentu Kukelini (Msm. 50:23)

b. Rende: **KEE GBKP No. 289:1-**

Lalap sikataken bujur, Beritaken kemulianna
Mbelin pemereNa banta, Puji gelarNa

Reff: Dibata kap cilinggementa, Malem ateta

 Tuhan Dibata Penalementa, Penanam-nanam bas geluhta

K'leng ateNa kapen nusur, Lalaplah ngataken bujur

Ingetlah pedahNa rusur, Segedang umur **Reff:** ...

Adi seh sura-suranta, Labo e perban gegehta

Maka ula kita lupa, IA m'rekenca **Reff:** ...

Pertoton Persembahen ras Pertoton Safaat

Topik Doa Safaat

- Notoken perpulungen GBKP gelah mereken waktu guna ertoto man Tuhan
- Notoken Fokus pelayanan GBKP tahun 2026 kerna Relasi Dengan Tuhan
- Notoken daerah PI :
 - Klasis Dairi : Daerah pengembangan PI i Sibagindar Rg Salak Pakpak Bharat, GBKP Perminggun Sigalingging Rg Sidikalang,



GBKP Perpulungen Lau Lebah Rg. Rante Besi, GBKP Rg. Lau Petundal, GBKP Perp. Kuta Nangka Rg. Kempawa, GBKP Perp. Tanjung Jati Rg. Lau Sungsang, GBKP Perp. Kampung Jawa Rg Tanah Pinem, GBKP Perp. Lau Kersik Rg Bukit Karo, GBKP Perp. Sibira ras Perp. Tiga Baru Rg. Sumbul Pegagan, GBKP Perp. Pasir Mbelang Rg Pamah Simalem, GBKP Perp. Pertumbuhan Kuta Tengah Pengambaten Rg Kedeberek

- Klasis Pematang Siantar : Rencana Pembentukan Pos PI Batubara, Daerah Pengembangan PI i Teluk Panji – Rg. Cikampak, Perp. Kota Pinang – Rg. Cikampak, Perp. Pulu Raja – Rg. Aek Kanopan, Perp. Aek Sopang – Rg. Kisaran, Perp. Mandoge – Rg. Kisaran, Perp. Small Holder – Rg. Kisaran, Perp. Rawang – Rg. Kisaran, Perp. Dolok Sanggul – Rg. Balige, Perp. Pangururan – Rg. Jalan Nias.
- Klasis Berastagi : GBKP Lau Gedang
- Klasis Kabanjahe Tigapanah : Perminggun Tiga Runggu Rg Saribudolok, Perp. Semeluk Rg Saran Padang

--- Perpulungen Tedis ---

Perpadanen man Tuhan

L Sangap kal kita erkiteken kerina sipulung enda enggo ipelimbarui i bas kiniteken maka nggit kita ngaturken waktu ertoto man Tuhan

P Erpadan aku Tuhan nggeluh bagi si ngena ateNdu.

L Tuhan Dibata mereken penampat man banta katawari paksa pe. E maka pindolah arah toto.

P Kami erpadan Tuhan maka kami nggit ngaturken waktu ertoto man Tuhan.

L+P Terpuji dengen mulialah gelarNdu o Tuhan pengasup anak-anakNdu nehken singena ateNdu.

L **Si peteguhi dage perpadanenta man Dibata arah ngendeken KEE GBKP No. 75:1**

Tetapkenlah ukurta, Ngikutken Jesus e

Sigelemlah pedahNa, Tutus ateta pe

Piher tendinta pe, Ban IA penalemen

Kesusahen i doni, Talu ibanNa pe



Pertoton Tuhan

Pengutusan ras pemasu-masun Tuhan

- L Ertotolah man Tuhan katawari paksa pe subuk sikap ras la sikap. Bas ndalani kegeluhen enda pindo gegeh man Tuhan arah totota. Ertotolah terus man Tuhan. Guna ndalanken si e, aloken dage pasu-pasu idur Dibata nari: “I pasu-pasu janah ikawali Dibata kam, siang ayo Dibata ersinalsal ibabondu, janah melias ateNa ngenehen kam. I tatap Dibata ku kam janah malem atendu ibahanNa”. Amin.
- P A...min, A...min, A...min (iendeken)

Pdt. Melkisedek Sembiring, M. Th
HP/WA : 082277725636



**KEBAKTIN PEKAN DOA GBKP
(I Perpulungen)
WARI III, SELASA 19 Mei 2026**

I. Persikapen

- Nikapken kerina keperluan bas kebaktin enda
- I bas pengataken bujur dengen pengakun dosa enda ilakoken alu ertoto.

II. Kebaktin

Kata Penaruh

Mejuah-juah man banta kerina keluarga Dibata si tetap ersada i bas pertoton. Meriah ukurta i bas iatanken Dibata kita guna bengket ku bas Pekan Doa i bas bergi si peteluken. Kalak si ertoto eme kalak si dem kiniteken man Dibata. Kalak si ertoto itandaina Dibata si tuhu-tuhu. Igejapkenna maka Dibata megiken dengen ngaloi kerina pertoton. Pertoton jadi bentuk pengendesen diri kalak si erkiniteken man Dibata. Perpulungen si ertoto, eme perpulungen si enggo ngendesken kerina kegeluhenna, subuk i bas meriah ukur bage pe erceda ate man Dibata.

Marilah si bengketi kebaktinta wari enda alu perlebe si pindo gegeh man Dibata gelah isampatiNa kita i bas megiken kata Dibata dengen iajariNa serayanNa i bas mpeseh kataNa. Gelah kebaktinta pe kerina banci erdalan alu mehuli. Mari ras kita **ertoto**

Mari dage si benai kebaktinta wari si sendah alu ras kita kerina rende KEE GBKP No. 57:1-2 **(Perp. Tedis)**

Nggo kita pulung i lebe Tuhannta si mbelin
Ersadalah totonta e Ras 'nde-enden pujin

O, Tuhanku si nasa lit Pematang ibas Kam
E banci kin la kami nggit Mehaga ndahi Kam?

Votum salam invocatio

L I bas gelar Dibata Bapa, i bas gelar AnakNa Jesus Kristus, ras i bas gelar Kesah Si Badia.
Penampat man banta (ndu) reh i bas Jahwe nari simereken kegeluhen man banta (ndu) sekalak-sekalak. Amin.



P Amin... Amin... Amin... (*iendeken*)
L Kam kap Dibatangku, ajari aku ngelakoken peratenNdu. Mehuli
min Kam kempak aku, jenari babai aku arah dalin si pinter (Msm.
143:10)

Erpalasken kata Dibata enda, sipuji IA arah ende-endenta: KEE
GBKP No. 368:1,3

Si puji Tuhan Dibatanta, Kataken bujur bana
Sabab IA si merekenca, Pasu-pasu man banta

Reff : Mbelin ras mulia kekelengan Tuhan, I bas doni enda
Ajari O Tuhan kami k'rina anakndu
Naksiken kerina perbahanenNdu

I inget kami padan Tuhan, Bas kegeluhen kami
Kam si mereken kegeluhen, 'mpetetap ukur kami **Reff :** ...

--- *Perpulangan Kundul*---

Pertoton pengataken bujur man Tuhan si perkeleng

L Marilah si penangkih pertotonta guna ngakuken kerna kekelengen
Dibata si perkeleng. Mari si benai totonta.

Ibabai si Mada Jabu

Terpujilah gelarNdu o Tuhan si perkeleng. Keleng ateNdu
igejapken kami i bas perdalananen kegeluhen kami. Keselamatan
si rehna i bas Kam nari si erbahanca kami terkelin. Kami si
perdosa, si la metunggun guna ngaloken keselamatan tapi ban
bage keleng ateNdu nandangi kami kerina, iselamatkenNdu kami.
Jesus jadi bukti keleng ate Dibata nandangi kami kerina anakNa.
Darah Jesus si mambur e me bukti keleng ateNdu. Jesus si keke
dingen nangkih ku Surga jadi bukti kuasaNdu si mbelin e. Bujur i
bas keselamatan si iberekenNdu o Tuhan. Terpujilah Kam nai nari,
genduari seh rasa lalap. Amin

P Rende KEE GBKP No. 466 iendeken 3x
Bujur o Tuhanku, Bujur O Tuhanku
Terpujilah gelarNdu, Bujur O Tuhanku

Ibabai Kalimbubu Si Mada Jabu

Terpuji gelarNdu si Badia o Dibata ulu pasu-pasu. Igejapken kami
pe kekelengenNdu i bas kegeluhen kami si nggo masu-masu kami



alu erbage-bage pemere. IberekenNdu man kami kesehatan, rejeki bage pe jabu. Buena keleng ateNdu bagi kersik i lawit, la terbeligai erkiteken buena. E maka ngataken bujur kami man banNdu o Tuhan. Sabab si e kerina labo erkiteken beluh dengen pentar kami, tapi erkiteken kekelengenNdu nandangi kami. Terpujilah kam o Tuhan genduari nari seh rasa lalap, Amin.

P Rende KEE GBKP No. 466 iendeken 3x
Bujur o Tuhanku, Bujur O Tuhanku
Terpujilah gelarNdu, Bujur O Tuhanku

Ibabai Anak Beru si mada Jabu

Terpuji gelarNdu o Bapa si mada Gereja. Igejapken kami kerna keleng ateNdu nandangi kami arah kerehen gerejaNdu. Arah gereja enda me kami nggejapken dengen ngangkai kerna kai si mehuli, si benar dengen si ngena ateNdu. Arah kerina pengajaren si ibahan gerejaNdu ertangkasna me penandai kami kerna Kam. Ipuji kami Kam o Tuhan genduari nari seh rasa lalap, Amin.

P Rende KEE GBKP No. 466 iendeken 3x
Bujur o Tuhanku, Bujur O Tuhanku
Terpujilah gelarNdu, Bujur O Tuhanku

L Mari tole si penangkiah pujinta man Tuhan arah kita rende KEE GBKP No. 365:1,4

Kudahi Kam Tuhan Dibatangku, Kupenangkih totonku man baNdu
Kukataken bujur ermengkah ukurku

I bas ngaloken perkuah ateNdu

Reff: Nggo tangkas peratenNdu, bas geluhku

Bujur o Bapa nggo malem ateku

AlokenNdu min puji sembahku

Begikenlah totoku man baNdu

T'rangiNdu 'lah min pusuh ras peratenku

Kuikutken Kam segedang geluhku **Reff:** ...

Pertoton pengakun dosa man Tuhan

L Marilah kita kerina si dahi Dibata guna ngakuken kerina kesalahenta. Kita manusia si megati lenga erbulat ukur dengen dem kiniteken i bas pertotonta. Marilah si dahi Tuhan ngakuken kerina salah ras lepakta alu ras ertoto.



Ibabai sekalak Mamre

O Bapa, aku anakndu reh ndahi Kam guna ngakuken kerina salah ras lepak kami. Adi kerna ertoto nggo me kami usur ertoto. Tapi nggo pe kami ertoto megati kurang tek denga kami nandangi Kam. E maka toto si ibelasken kami e bagi formalitas saja ngge, gelah enggo ertoto. Mela kami tempa adi la ertoto, kalak Kristen tapi la ertoto. Tapi pertoton si lakoken kami terjeng babah saja, labo seh ku pusuh ukur kami. Alemin salah ras kelepaken kami o Tuhan, Amin.

P Rende KEE GBKP No. 476 iendeken 3x
Tuhan begiken totoku enda, Bengketi pusuhku Tuhan
Tuhan begiken toto ku enda, begiken min Tuhan

Ibabai sekalak Moria

O Bapa, enda reh aku anakNdu si kelengNdu ngakuken salah ras lepakku. Megati gegehku jine ngge si ku penalem. Pertoton lenga jadi dalanku nguna ngendesken diringku man banNdu. Sanga ertoto e pe reh denga megati erkusik pusuhku, adi la ku ban lo kai pe erdalan. E maka pegangkanku usur papak. Ningku bas pusuhku gegehen nge aku asa gegehNdu o Tuhan. Salah kel aku Bapa, alemin aku, Amin.

P Rende KEE GBKP No. 476 iendeken 3x
Tuhan begiken totoku enda, Bengketi pusuhku Tuhan
Tuhan begiken toto ku enda, begiken min Tuhan

Ibabai sekalak anak

O Bapa, aku anakNdu pe ngakuken dosangku man baNdu. Genduari nggo teken aku man teknologi. E maka bicara ertoto pe aku, kai nina teknologi e ka nge si ku ikut-ikut. La pe sue ras sura-suraNdu, kai nina teknologi e nge tetap si ku penalem bas kegeluhenku. O Bapa alemin salah ras lepak anakNdu. Amin.

P Rende KEE GBKP No. 476 iendeken 3x
Tuhan begiken totoku enda, Bengketi pusuhku Tuhan
Tuhan begiken toto ku enda, begiken min Tuhan

L Mari tole siakuken kerina salah ras lepakta man Dibatanta arah ras kita rende KEE GBKP No. 380 iendeken 3X
O Tuhanku alemin, Salah dosangku alemin
O Tuhanku alemin, Salah dosangku alemin

--- *Perpulangan Tedis*---



Pengalemi Dosa

L Selaku persuruhan Dibata, aku nehken kataNa man banta (ndu):
“Dosa-dosanta (ndu) enggo ialemi (Kualemi) janah ukumen
siibereken (siKubereken) erkite-kiteken dosanta (ndu) enggo
bias. Erkemalangenlah man Dibata (bangKu), sipan (ipanndu) me
kai si mehuli ulih tanehta (ndu) enda.” (bdk. Jes. 40:2b; 1:19)

Meriah ukurta erkiteken dosanta (ndu) enggo ialemi Dibata, sipuji
Dibata arah ende-endenta: KEE GBKP No. 391:1-2

Anem dosanku mekelat megara, IsalihkanNdu me jadi mbentar
Kam kap erbanca geluh meherga, Kugejap tuhu kelengNdu simper

Reff : Tendingku ersurak janah nembah, Kupakeken me pedah
Kam kap Dibata Bapa Si Perkuah,
Bas kep-kepenNdu min aku gelah

Ukur pinter ras bujur nge pindoNdu, Pusuh si getem ngena ateNdu
Demi pusuhku alu liasNdu, Gelah ku pembarken min kataNdu

Reff : ...

--- *Perpulungen Kundul*---

Kata Dibata (ibenai ras idungi alu pertoton)

Ogen : Perbahanen Rasul-Rasul 7:54:60

Tema : Tuhan Aloken Tendingku

BENA KATA

Lit sada kata bijak si ngatakenca “doa adalah tindakan penyerahan diri kepada kehendak Allah, bahkan ketika jawaban doa itu membawa penderitaan sekalipun”. Enda me salah sada fungsi ertoto. Adi si inget i bas cara Jesus ertoto i bas taman getsemani, Jesus mindo ipulahi i bas kiniseran, tapi kedungenna i bas ujung totoNa niNa “labo peratenKu tapi peratenNdu lah jadi”. Arah enda penting kal si pahami maka ulih pertoton e me kengasupenta guna ngaloken peraten Dibata i bas kegeluhenta. Jadi labo pas pemahamen kai pe si pindo pasti iberekenNa, adi la iberekenNa maka kita nge si la beluh ntah kurang tutus ertoto. Sabab situhuna ulih pertoton e me kengasupenta guna ngaloken kai si irencanakan Dibata.

Pebagesi Teks Renungan

Istepanus eme sekalak Jahudi si nggo ndekah tading daerah Romawi, ngikutken budaya romawi ras ngerana alu bahasa Junani (Jahudi



Helenis). Lampas kal ia nandai Jesus ras jadi kalak si tutus. E maka erkiteken ketutusenna erkiniteken i bas Perbahanen Rasul-Rasul 6:1-6 ia jadi salah sada diaken si ipilih guna ngelai perpulungen i bas paksa si e. Selaku sekalak diaken dahin si idahiken Istepanus eme nampati diberu balu-balu guna ngelitken keperluan kegeluhenna. I bas Perbahanen Rasul-Rasul 6:8 pe ikataken maka melala tanda sengget si mbelin si ilakokenna man jelma si enterem. Kai si ilakoken Istepanus erbahanca melala kalak si keberaten seh maka dungna ia ibaba ku bas pengadilen. I bas pengadilen Agama e ibereken Istepanus sada pengertin kerna uga kalak Jahudi (khususna imam agama) si sedekah enda nggo salah ngangakai kerna Dibata. Kalak Jahudi si ngakuken maka ia enggo ngaloken dengen ndalanken hukum Taurat tapi situhuna labo idalankenna kai si iperentahkan hukum taurat e.

Megi kata Istepanus, megelut kerina anggota sidang e. Kata megelut e ibuat i bas bahasa Junani *ebrychon* si banci iertiken secara harafiah erderik ipenna. Enda sada situasi merawa si la ngasup ngaloken kebenaran. Kata kebenaran si ituriken Istepanus si dem alu Kesah Si Badia la teraloken guru-guru agama e. Situasi enda encidahken maka kai siituriken Istepanus benar. Kalak si ngeluh bas Kesah arusna min adi ipersingeti robah labo turah rawana. I bas situasi enda menarik justru Istepanus tatapna saja lalap ku datas, ras idahNa terang si ersinalsal. I bas situasi si secara manusia situhuna banci siakap dem bas kebiaren, si sada Istepanus tapi ketenangan tetap lit bas ia bahkan idahNa Dibata. Ketenangan muncul labo ban la lit tekanen ras persoalen tapi erkiteken kerembaken ras Dibata.

Terdauhen erkiteken merawa kerina guru agama e maka dungna isarenna me Istepanus. Kai si ikataken Istepanus kerna kalak enda payo tuhu kerina. Sabab i bas ayat 52 nina maka guru agama e megati kal la ngaloken pesuruhan Dibata. Bahkan i bas perdalanenna melala pesuruhan Dibata si ihianati dengen ibunuh. E maka megik kai siikataken Istepanus kerina ia nderkuh. Adi mulih ku renungen maka tangis enda muncul erkiteken la teralokenna kerina kebenaran si ikataken Istepanus.

E maka dungna isaren guru ndai kerina ras ibenterina alu batu. Adi rikutken hukum taurat maka kai siibahan guru enda erkiteken ianggapna Istepanus enggo numpahi gelar Dibata (Im. 24:16). Adi si nen konteks Istepanus maka bangsa Israel lanai erkuasa bas paksa e, sabab sangana



ijajah kalak Romawi. E maka hukum Romawi nge aturna si memutuskan kalak banci ibunuh ntah lang. E maka adi siinget si memutuskan Jesus banci isalibken eme Pilatus Gubernur Romawi. Ertina kai silakoken kerina guru-guru e salah lanai sesuai hukum tapi erkiteken ia ikuasi Iblis si salah pe tetap ilakoken.

E maka ertoto me Istepanus. Dua kata toto Istepanus, si pemena nina o Tuhan Jesus alokenlah tendingu. Si pemana bas toto enda lit sada konsep Kristologi siikataken Istepanus, maka Jesus e tuhu-tuhu Tuhan (Kurios). Man Istepanus Jesus e me Tuhan si nggeluh. Adi guru e kerina la ngidah Jesus sebagai Tuhan sebalikna Istepanus bas totona encidahken si e. I bas situasi sulit kiniteken Istepanus tetap icidahkenna. E maka terdauhen toto Istepanus enda encidahken sada kiniersadaan ras Dibata. Erkiteken persadanna ras Dibata Istepanus la mbiar aminna pe kematen nggo nimai ia. langka Istepanus tuhu maka mate kin pe Dibata nggo nimai ia. E maka bicara mate kin pe Istepanus, ia mate alu dem keriahen sabab Dibata si ngaloken tendina.

E maka i bas totona terdauhen nina ula min kam erkira kerna kesalahen. Toto enda encidahken sada karakter kekristenan si nggeluh bas Istepanus si tentu erlajar ia arah Jesus e me kekelengen. Ras salah sada wujud kekelengen e me kengasupen guna ngalemi salah kalak. La kal ate Istepanus dosa si bahan kerina guru e erbahanca ia ihukum ras dungna ihancurken ia kerina erkiteken dosana. Sabab tujun kekristenan e me pengampunan labo penghukuman (invocatio).

Pengkenaina

Arah renungenta wari enda lit piga-piga hal si banci kari jadi pesan man perpulugenta i bas kebaktin pekan doanta:

Si pemana, adi erlajar kita arah guru agama maka kepeken penguasaan kerna taurat (Pustaka Si Badia) labo kepe sedalanan ras karakter jelma. Engkai maka bage erkiteken guru-guru si meteh Taurat ia lanai bertumbuh bas pustaka tapi sebalikna erkiteken kuasaina turah kesombongan. E maka perlu kal si angka maka kerembakenta ku Dibata arusna erbahanca kita ermeteruk ukurna i bas ndalani kegeluhenta.

Si peduaken adi erlajar ka kita arah Istepanus maka siidah si pemana Istepanus la mbiar nuriken kebenaran. Tentu melala kal si la mehuli jadi bas kegeluhenta. E maka megati mbiar ntah mehange kita



nurikenca. Tapi si idah Istepanus pang nurikenca erkiteken adi la turiken kesalahaen e lalap terjadi. Bagi siilakoken guru agama kepeken nai nari nggo bage sabab la lit si mandangsa.

Si petelukan arah toto Istepanus si idah maka IA erpengendes man Tuhan. Pertoton eme jadi caranta guna ngaloken ketetapan Tuhan. Megati ninta, toto lalap la ialoken Dibata. Labo la ialokenNa, tapi lain banna jabapenNa. Adi si idah Istepanus ia justru alu dem kiniteken ngendesken kegeluhenna man Dibata. Ras bas totona pe Istepanus ngasup guna ngalemi salah kalak si deban. Megati kita justru bas toto mindo gelah Dibata erbalas i bas kejahatanen si ilakoken kalak si deban man banta. Arah Istepanus kita erlajar maka toto arusna jadi dalan perdamen, ngaloken rencana Dibata.

--- *Perpulungen Tedis*---

Pengakun Kiniteken

--- *Perpulungen Kundul*---

Persembahen

L Seh me paksana nehken persembahen pengataken bujur man Dibata. Kata Dibata kerna persembahen e me:

“Bahanlah pengataken bujur jadi persembahen man Dibata, sehkenlah kai si enggo ipadankendu man si Meganjangna.” (Msm. 50:14)

Tupung ngendesken persembahen pengataken bujur, rende kita arah ende-enda: KEE GBKP No. 272:1-3

Ise kin kami enda o, Bapa, Maka kami ngasup mere baNdu

Labo ban gegeh kami o, Bapa, Kam Raja surga doni

Reff: Kai pe si lit ibas kami o, Bapa

E kap bekas pemereNdu man kami

Enda sada bagin, Bapa ipersembahkan kami

Ngataken bujur kami man baNdu, Arah persembahen kami enda

Aloken ras ipasu-pasuNdu, Terpujilah gelarNdu **Reff:** ...

Nggejap b’linna perkuah ateNdu, Makana kami mere man baNdu

Kai pe cukup i bas Kam o, Bapa, Kam Raja Surga doni **Reff:** ...

Pertoton Persembahen Ras Sapaat

- Gelah pertoton erbahanca perpulungen ngasup nandai Dibata alu payo



-
- Notoken Daerah PI :
 - Klasis Binjai Langkat : Bajem Bandar Tinggi Runggun Batang Serangen, Bajem PSL (Perkebunan Sawit Langkat) Runggun Batang Serangen, Bajem Gelugur Tani Runggun Kuala Unggas, Bajem Belinteng Runggun Namotating, Bajem Lau Ban-ban Runggun Namotating, Bajem Penampangan Runggun Pasar 2 Namoterasi, Bajem Pirlok Runggun Petani Jaya, Bajem Cinta Rakyat Runggun Securai, Bajem Telaga Said Runggun Securai, Bajem Batu 8 Runggun Stabat, Bajem Bandar Bingei Runggun Tanah Merah, Bajem Jambur Karet Runggun Tanjung Pura Gebang, Bajem Jati Tunggal Runggun Tanjung Pura Gebang, Perminggun Mandalingen, Runggun Tanjung Pura Gebang, Bajem Ujung Barat Runggun Tigasabah, Bajem Saporok Runggun Tigasabah
 - Klasis Tiga Binanga : Perp. Cerumbu Rg. Liang Melas Datas, Rg. Kuta Kendit Kanaan, Perp. Pola Tebu Rg. Kuta Mbelin, Perp. Sukajulu Rg. SUKMA, Perp. Kuta Mbaru Puntir Rg. Sukma, Rg. Batu Mamak LM, Perp. Kuta Buara Rg. Kuala, Perp. Negri Jahe Rg. Negeri Jahe – Gunung Meriah, Rg. Kuta Great, Perp. Jandi Rg. Kidupen, Perp. Lau Lingga, Perp. Sigenderang Rg. II Juhar, Perp. Ketawaren-Lau Kidupen, Perp. Sigedang Pinem, Perp. Naga, Perp. Juma Batu, Perp. Pamah Silep-lep Rg. BTT
 - Klasis Bekasi Denpasar : Pos PI Labuan Bajo Rg. Kupang, Perp. Singaraja Rg. Denpasar, Perpulungen Sukatani Rg. Cikarang, Perpulungen Solo Rg. Yogyakarta, Perpulungen Subang Rg. Tambun, Perpulungen Ungaran Salatiga Ambarawa Rg. Semarang, Perpulungen Manado Rg. Graha Harapan, Perpulungen Makassar Rg. Bekasi, Perpulungen Cikopo Rg. Bekasi, Perpulungen Malang Rg. Surabaya
 - Klasis Sibolangit : Perminggun Raja Berneh Rg. Betimus Mbaru, Perpulungen Pagar Batu Rg. Basukum, Perp. Tanjung Beringin Rg. Tambunen, Perp. Saring Kulit Rg. Batu Sianggehen, Perp. Namo Pakam Rg. Bingkawan Ertoto kerna persembahkan ras Tuan rumah

--- *Perpulungen Tedis*---



Perpadanen man Dibata

- L Nggo sibegiken kerna sura-sura Dibata, marilah si peseh perpadanenta man Dibata
- p Erpadan kami o Tuhan guna tetap ernalem man baNdu saja. Toto si tiap wari ipenangkih kami erbahanca kami erpenandaina man banNdu. E maka erpadan kami tetap ertoto, guna nambahi penandai kami kerna Kam.
- L Toto eme dalam guna nandai Dibata, kai dage tekadta i bas kebaktin enda?
- P Arah pertoton kami, erbagesna me penandai kami kerna Kam o Tuhan. E maka ertutusna me kami ertoto man baNdu, seh maka erbagesna me penandai kami kerna Kam.
- L Mari tole si pebagesi perpadanenta man Dibata alu ras kita rende KEE GBKP No. 212:1,5
Perkuah ate si mbelin, Nemani geluhku
Ije me aku erdalín, Teruh perkuahNdu

Perkuah ate si mbelin, Alokenlah dage
La lit jumpa si terulin, Bas Jesus ngenca e

Pertoton Tuhan

Pemasu-masun

- L Bengketlah ku bas kegeluhenta (ndu) si teptep wari, tetapkenlah ukurta (ndu) ndalanken pedah Dibata si enggo ibegiken. E maka alokenlah pasu-pasu idur Dibata nari:
"Ipasu-pasu janah ikawali Dibata kita (kam), siang ayo Dibata ersinalsal i babonta (ndu), janah melias ateNa ngenehen kita (kam). Itatap Dibata ku kita (kam), janah malem ateta (ndu) ibahanNa."
Amin. (bdk. Bil. 6:24-26)
- P Amin... Amin... Amin... (iendeken)

Pdt. Jefri Alexander Keliat, M.Fil
HP/WA : 0813 6064 5511



KEBAKTIN PEKAN DOA GBKP (I Perpulangan) WARI IV, RABU 20 Mei 2026

I. PERSIKAPEN

- Nikapken kerina perlengkapen guna kebaktin dingen ngaturken simuat bagin i bas kebaktin
- Si usahaken maka anak-anakta pe ikut muat bagin i bas kebaktin enda.
- Perdalanen Kebaktin i bas kundul ntaht tedis ilakoken sue ras situasi.

II. KEBAKTIN

Kata Penaruh

Syalom ras mejuah-juah man banta kerina kekelengen ni Tuhan!!! Wari enda sibengketi Kebaktin Pekan Doa wari pe-empatken i bas perpulangenta. Senina ras turang melala tuhu ialoken kita pasu-pasu Tuhan. Tapi erkiteken lit ka megati reh si la bagi ukur i bas geluhta, maka lanai kita ngasup nggejapken ras menikmati pasu-pasu Tuhan. E maka gelah ula perbeben si mberat siengkuasai geluhta, wari enda kita idilo gelah secara rutin kita ertoto man Tuhan guna ngalaken erbage-bage kelatihen ras kesusahen sialami kita i bas ndalani wari-warinta. Mari dage si pesikap ukurta guna ersembah man Dibata alu ras kita ertoto...

(Serayan Kebaktin Bengket ku Mimbar)

Rende : KEE No. 235: 1 “Dibata Kap Njagaisa” (Perp. Tedis)

Dibata kap njagaisa gedang berngi, sangana aku medem nderbih nai, Je medak aku bas erpagi-pagi, gelarNdu kupebelin ras kupuji.

Reff : Wari enda wari ni Dibata ale, sialoken janah m’riahlah ukurta
Dage baNa ‘ndesken keg’luhennta ale,
Bas nembah muji g’larNa Si Badia

Votum - Salam

- L I bas gelar Dibata Bapa si jadi inganta (ndu) guna nehken pertoton, i bas gelar Jesus Kristus si ngajari kita (kam) ertoto, ras i bas gelar Kesah Si Badia si ertoto man gunanta (ndu) raduken ras kerina tendinta (ndu).



Perkuah ate ras dame i bas Dibata Bapa, i bas Jesus Kristus nari ras
i bas kerembaken Kesah Si Badia ras kita (kam) kerina gelah.
Amin.

P Amin..... Amin..... Amin..... (iendeken)

Berita Kerna Perbahanen Ras Sura-sura Dibata (Invocatio)

L “Ertotolah katawari pe” (1 Tesalonika 5:17). Erpalasken Kata Dibata
enda, si puji IA alu ras kita ngendeken: KEE GBKP No. 285 : 1,4 ”

Kam me o, Tuhan pematang g’luhku, Kam empuna geluhku
Tedeh ateku sikel ukurku, rembak tetap min ras Kam

Reff: RembakkenNdu aku o, Tuhan Ku kayu persilangNdu
RembakkenNdu aku, RembakkenNdulah, Ku lebeNdu o, Tuhan

La bo ’nggo serta g’luh doni endaRas Kam ngenca mambarna
I bas rumahNdu i adepenNdu, Dame me tuhu-tuhu **Reff:** ...
--- *Perpulungen Kundul* ---

Berita Kerna Kinulin dingen Kekelengen Dibata

L Turang ras senina, Dibata kap inganta (ndu) nehken pertoton. Dibata
e setia jadi inganta nehken isi pusuh subuk i bas ermeriah ukur bage
pe i bas keguluten ukur. IberekenNa kita pasu-pasu, ipulahiNa kita
arah perbeben geluh. Sikataken bujur man Tuhan ras pujilah gelarNa
arah **Rende KEE No. 423:1-2**

Kam nebusi aku Tuhan, Kam si mpeteneng tendingku
Tendi si ndube tertaban, TeguNdu ku adepen Ndu

Reff: Malem kel ateku Bapa, Ban keleng ate Ndu
Ku puji gelarNdu Bapa, Mulia gelarNdu
TeguNdu lah aku Tuhan, Ibas pusuhku Kam ringan
PetetapNdu aku Tuhan, ‘Lah dosa talu me kuban

Kam ngalemi aku Tuhan, Kam si mpepalem pusuhku
Pusuh si megati nogan, Mbaru perbahan kelengNdu **Reff:** ...

Pengakun Dosa

L Senina ras turang i bas kekelengen Tuhan Jesus Kristus. Dibata kap
inganta ertoto, inganta nuriken isi pusuh ukurta. Tapi megati denga
kita kurang ertoto, la man Tuhan kita nuriken isi pusuh bagepe
perbeben geluhta. Kalak si setia man Dibata, itegu-tegu Dibata kap ia



i bas rukur ras ndalanken si mehuli. Tuhan kap penggurunta situhutu-
tuhu i bas rukur ras ndalani kegeluhenta. Ikuhi Dibata alu gegeh ras
kepentaren i bas ndalanken si mehuli man kerina kalak siertoto man
baNa. Amin bage gia, kurang denga kap ketutusenta ertoto man
Dibata, e maka siakuken dage salah lepakta man Tuhan ras sipindo
pengalemi dosa arah **Rende Kee No. 446:1,2**

Dosangku majekkensa, SilangNdu Tuhanku
Salahku kap erbahansa, Nggo mambur darehNdu
KesahNdu asamkenNdu, Gunangku Tuhanku
Bagem pengkelengiNdu, K'rina igengkenNdu

Ersembah mungkuk aku, Iadep-adepenNdu
Kerina kuakuken, 'Lah itebusiNdu
Bagem pengarapenku, Em isi pusuhku
Mekuah min ateNdu, Kam kap Penebusku

Pengalemi Dosa

(Perp. Tedis)

L Selaku persuruhen Dibata aku nehken KataNa man banta (ndu)
kerina kita (kam) si ngakuken dosanta (ndu): Tole nina Tuhan
"Marilah, maka si dungi cakapta enda. Kam enggo erkubang-kubang
ibahan dosa, tapi Kuperidi kam maka bersih bagi salju. Aminna gia
erkiteken dosandu kam enggo mbiring bagi tengguang, mulihi kam
jadi mbentar bagi kapas" (Jes. 1:18). Bage me nina Dibata man banta
(ndu) kerina. Amin.

Si puji dage Tuhan i bas dosanta enggo IalemiNa, alu ngendeken **KEE
No. 184 : 1, 2 "Jesus Tuhanku Njaminisa"**

Jesus Tuhanku njaminisa, K'rina dosangku tebusiNa
Geluh simbaru jujurkenNa, M'riah ukurku ngalokenca

Reff: Tuhanku Jesus Kam me tetap, Pengendesenku rasa lalap
Temani aku o, Penampat, Tuhanku Jesus Jurus'lamat

Ngendes man baNa sikap tuhu, Keleng ateNa negu-negu
Mindo man baNa ola medu, Maka ib'reNa pasu-pasu **Reff: ...**

Kata Dibata (ibenai ras idungi alu pertoton)

Perp. Kundul

Renungan : **Masmur 55:17-20**

Tema : **Erleboh Suari Bergi Man Tuhan**



KATA PERLEBE

I bas buena perbeben geluh i doni enda, megati erbahanca kita mbiar, kote dengen er aru ate. Jenari megati la kita ngasup mulahi bana i bas buena perbebenta e. E maka Dibata mereken diriNa jadi inganta nehken pertoton, gelah banci pulah kita arah keguluten ukur, kepiceten ras kebiaren nari. Aminna pe bage, megati denga nge kita kurang tutus ertoto ras megati lenga silitken waktuta ertoto erlebu man Tuhan. E maka arah nats renungenta wari sisendah ipersingeti me kita gelah i bas kerina dampar geluhta tetap kita erlebu suari ras berngi man Tuhan.

ISI

Masmur 55 enda e me ende-enden ras pertoton Daud situliskenna i bas waktu pemberontaken ras persekongkolen anakna Absalom ras penasehatna Ahitopel guna ngelawan Daud. I bas perbeben simberat, ertoto Daud man Tuhan sebab i bas Daud toto e me tambar pusuh latih ras susah. E maka nina Daud “begiken pertotonku, ola tundalken pemindonku”. Tangis Daud i bas pertonna erkiteken sangana sedak, suhsah, nggirgir, mbiar dengen ngeri kal akapna. Sijadi kinilatihen ras kesusahen Daud e me

- Temanna ndube enggo jadi musuhna e me anakna Absalom ras kepercayanna Ahitopel.
- Lit ancamen arah pihak Absalom si mpebiar-biari ras mpengaruhi rakyat ngelawan ras mpelawes Daud.
- Tambah ka pe kebiaren Daud erkiteken gejapkenna kerna dosa sibahanna nandangi Uria perbulangen Batseba.

Adi sinen arah peristiwa-peristiwa sienggo ilakoken Daud, ia sekalak pemberani sebab i bas ngelawan Goliat pe ia menang ras i bas peperangen pe labo pernah ia talu. E maka payo nina kata Dibata ula megah siakap erkiteken kepentarenta, ula agahken gegeh tapi megah lah siakap erkiteken siagahken Dibata (Jeremia 9:23-24;1 Korinti 1:31). i bas kebiaren si mesangat, sura-sura Daud kiam ku ingan siteneng, kune lit kabengna kabang atena ku gurun pasir ingan simelungun. Sakit kel pusuhna sebab temanna meriah, kandu-kanduna si enggo salih jadi imbangna ras arih-arih (bersekongkol) ras anakna ngelawansa. Mberat tuhu akap Daud, maka nina i bas ayat 13 Adi kin musuh nge si nokohi aku, tahan nge aku. Adi imbang nge si megombang man bangku, banci denga aku cebuni, tapi adi teman sinokoh lanai etehna cibalna ras lanai ikerina pusuhna. Erkiteken la



teralokenna, maka sempat pemindon i bas bayangenna gelah mate rempet min musuh-musuhna e.

Cara silakoken Daud i bas ngalaken ras mentasi perbebenna e tetap tutus ertoto.

- Ertoto e ibahanna jadi kewajiben
- Tutus ia ertoto arah pusuh si dem alu kiniteken.
- Suari berngi Daud ertoto (Ind. malam, pagi, tengah hari). Pertoton Daud enda sue ras pertoton sinilakoken Daniel (Daniel 6:10).
- Daud erlebuh alu tangis (KJV. *Aku akan berdoa dan berseru dengan suara nyaring*) kinitekenna paguh, tek ia maka Tuhan mbereken keterkelinen man kalak singendesken geluhna man baNa. Kata erlebuh ayat 18 i bas erti harfiah “merenung ras ngerana man Tuhan arah pusuh”.

Daud secara terus menerus ertoto, janah tek ia i bas waktu sipayo ibereken Tuhan pasu-pasu ras kejuah-juahen man bana. Jadi man Daud jawaben ertoto labo kenca ertoto, tapi i bas ertoto saja enggo gejakpenna Tuhan njawab pertotonna alu mereken penampat. E me sebabna i bas ayat 23 ikatakenna, “Endesken aru atendu man TUHAN, gelah kam ipegegehiNa. Sabap la pernah ipediatNa, kalak bujur italuken”. Adi sinen ayat 19, kenca ia ertoto lanai latih dengen susah iakapna, tambah sie ingetna pengalamenna paksa ibaba Tuhan ia mulih arah peperangan nari alu mejuah-juah, sierbahansa ipujina Tuhan, nina: Dibata kap si merentah nai-nai nari, ras tek ia ibegikenNa totona ras talukenna me imbang-imbangna sebab imbangna e la ia mbiar man Dibata.

Invocatio: 1 Tesalonika 5:17

Rasul Paulus mpersingeti Perpulungen Tesalonika gelah tetap ertoto man Tuhan ras ertoto ula hanya sebatas rutinitas saja, sebab ertoto e me “napas kehidupan” kalak sitek. Ertoto ertina ngerana nuriken isi pusuh kerna perbeben nggeluh bagepe kerna pasu-pasu teptep wari man Tuhan. Arah ertoto sibangun kap hubungan (relasi) ras Tuhan, arah e me sieteh sura-sura Tuhan i bas kerina dampar geluhta. Ertoto e me tanda erkiniteken, patuh ras ndalanken singena ate Dibata.

PENGENAINA

1. Ertoto eme sada rutinitas geluh si harus ilakoken katawari paksa pe. Ertoto e me tambar pusuh paksa latih ras susah. Kepentaren ras gegah labo teragahkan ndalani geluh enda, e maka Dibatalah tetap siagahkan i bas geluhta.



2. Banci saja kita kecewa man temanta manusia ras banci saja reh si la bagi ukurta sierbahan sedak, suhsah, nggirgir, mbiar dingeri ngeri siakap. Aminna bage pe sialami kita, ula kita putus asa ras lanai lit pengarapen nggeluh, tapi i bas ngalaken ras mentasi perbebenta e tetap tutus ertoto arah pusuh si dem alu kiniteken.
3. Bahanlah waktuta pagi-pagi, Suari ras berngi ertoto sekaligus kita ngerenungkan kerna kelepakenta man Tuhan, endesken geluhta man baNa, jenari gejakpenlah keleng ate Tuhan i bas geluhta.
4. Secara terus meneruslah ertoto, aminna pe la minter ijawab Tuhan pertotonta bagi sura-surata, tapi sutuhuna sanga kita ertoto e pe enggo me ijawab Tuhan pertotonta alu mereken penampatNa man banta. Sura-surata e, pasti i bas waktu sipayo ibereken Tuhan man banta e me pasu-pasu ras kejuah-juahen.
5. Situhuna melala nge pengalamenta kerna pasu-pasu Tuhan i bas geluhta, ingetlah maka Tuhan la pernah nadingken kalak sierkiniteken man baNa. Jadiken ertoto e “napas kehidupan” ras mpeteguhi persadanta ras Tuhan. Ertoto ula hanya sebatas rutinitas saja, tapi sibahanlah ertoto e tanda kita tek man Tuhan ras mbangun hubungan (relasi) ras IA, alu bage kap maka sieteh sura-sura Tuhan i bas geluhta, jenari malem ateta.

Pengakun Kiniteken Persembahen

**(Perp. Tedis)
(Perp. Kundul)**

L Kata Dibata si jadi palas i bas kita ngendesken persembahen si tersurat i bas Masmur 50:23, NiNa : *“Ngataken bujur e me persembahen si mpehagaken Aku janah si patuh ngikutken Aku tentu Kukelini”*. Tupung si sehken persembahenta, ras kita rende i bas: **KEE No. 405: 1-3 “Mari Si Puji Tuhanta si Badia”**

Mari si puji Tuhanta si Badia, Si mereken kelengNa man banta
Kataken bujur min perban mbelin kuasaNa
Pasu-pasuNa kap teptep wari man banta

Mari si puji Tuhanta si Badia, Sipersembahken persembahenta
Kataken bujur min Perban mbelin pem'reNa
Si njaga kita suari berngi lalap min

Mari si puji Tuhanta si Badia, Sisehken kulanta ras geluhta
Jadi persembahen si nggeluh ras badia
Dame bas geluhta sabab kita anakNa



Pertoton Persembahen ras Sapaat

- a) Notoken Persembahen (ibabai Jabu Merga Tarigan)
- b) Notoken Jabu Kundulen ras ingan pulung wari si pepagi (ibabai Jabu Merga Perangin-angin)
- c) Notoken gelah kerina perpulungen tutus ertoto i bas katawari paksa pe man Tuhan (ibabai Jabu Merga Karo-karo)
- d) Notoken Pemerentah, Moderamen GBKP, Pendeta, Vicaris, Detaser, Pertua/Diaken, Pt/Dk Emeretus, BPMK, BPMR ras BP Perpulungen gelah tetap ngasup ndahiken dahin pelayanen. (ibabai Jabu Merga Sembiring)
- e) Notoken Daerah PI : (ibabai Jabu Merga Ginting)
 - Klasis Pembangunan Medan Delitua : Rg. Kuta Beringin, Bajem T. Mbarolan - Rg. Pasar VI Delitua, Rg. Kuta Baru
 - Klasis Kepri : Pos PI Johor Bahru Malaysia, Perpulungen Jodoh-Nagoya, Perminggun Trans-Barelang, Perminggun Barelang, rencana pembukaan PI ku Pulau Anambas, GBKP Rg Batu Aji
 - Klasis Jakarta Kalimantan : PJJ Cigombong, ras Pengembangan ku Cianjur Rg Sukabumi, Perminggun Jonggol Rg Cibubur, Perminggun Penajam Rg Balik Papan, Pos PI Sintang – Sekadau Rg Pontianak, Pos PI Singkawang Rg Pontianak, Pos PI Ketapang Rg Pontianak, Pos PI Bengkayang Rg Pontianak, Perpulungen Ngabang – Sungai Asam Rg Parindu, Perpulungen Sampit Rg Palangkaraya, Perpulungen P3S (Pundu, Parenggean, Pelantaran Sekitarnya Rg Palangkaraya, Pos PI Pangkalan Bun Rg Palangkaraya, Perpulungen Sangatta Rg Samarinda, Perminggun Bontang Rg Samarinda, Pos PI PTP (Pulosari, Tambangulang, Pleihari) Rg Banjarmasin
 - Klasis Medan Kampung Lalang : Perp. Ujung Baru Rg. Berdikari, Perp. KPG Pamah Rg. Berdikari, Perp. Durin Lingga Rg. Berdikari, Perp. Dagang Kumbar Rg. Gunung Tinggi, Perp. Salang Paku Rg. Kampung Lalang, Perp. Pinang Baris Rg. Kesatria, Rg. Namo Kamuna, Rg. Rampah Dua, Rg. Sidodadi, Perp. Semangat Baru Rg. Sempat Arih, Perp. Pasar Siwah Rg. Tanjung. Selamat, Rg. Sada Kata
- f) Notoken siturah i bas perpulungen (ibabai Pengkotbah).

Perpadanen Man Dibata

(Perp. Tedis)

L Ertoto e me dalanta nehken sura-sura geluhta man Dibata. Endesken kerina perbeben geluhta. Bahanlah waktuta ertoto



teptep warina, ula ermedu-medu ertoto sebab kalak si tutus ertoto, ikuhi Dibata alu gegeh ras kepentaren bage pe pasu-pasu si simpar. Teklah dengen tetaplah kita (kam) ertoto man Dibata, sabap si aloken kap kai si pindo man baNa arah pertotonta.

E maka man banta kerina perpulungen salami kawes ras kemuhenta janah kita si salamen kataken **“Tutus atendu ertoto gelah pasu-pasu Tuhan kam!”**.

L Gelah kita tetap i bas perpadanenta man Dibata, mari ras kita rende arah: **KEE No. 460:1,2 “Malem Ateku Tuhu”**

Malem kal ateku tuhu-tuhu, Jumpa ras Tuhanku
Nggo p’limbaruiNa pusuhku, Lanai aku labuh
Ku kataken bujur baNdu, Si’ngk’lini geluhku
Terpuji kam bas geluhku, Nginget perkuahNdu

Kubegi kataNdu Tuhan, Nerangi perdalan
KesahNdu e simpepanken, Bas pusuhku ringan
Ateku min kupakeken, I bas kegeluhen
Je aku dat keriahen, Ndauh kebiaren

Pertoton Tuhan

Pengutusen Ras Pasu-pasu Dibata

L Geluhkenlah geluhtha (ndu) i bas pertoton, sabab Dibata ndengkehken pertoton kalak si tek man baNa, jenari alokenlah pasu-pasu idur Dibata nari: *“Ipasu-pasu janah ikawali Dibata kita (kam), siang ayo Dibata ersinalsal ibabonta (ndu), janah melias ateNa ngenehen kita (kam). Itatap Dibata ku kita (kam), janah malem ateta (ndu) ibahanNa” Amin. (Bdk. Bil. 6:24-26).*

P Amin..... Amin..... Amin..... (iendeken)

Pdt. Elieser Tarigan Tambun, S.Th
HP/WA : 082277364488



**KEBAKTIN PEKAN DOA GBKP
(I Perpulangan)
WARI V, KAMIS 21 Mei 2026**

I. PERSIKAPEN

- Nikapken kerina perlengkapen guna kebaktin dingen ngaturken simuat bagin i bas kebaktin
- Nuratken isi pertoton sapaat
- Mpelajari ende-enden i bas kebaktin

II. KEBAKTIN

KATA PENARUH

Mejuah-juah man banta kerina perpulangan si ikelengi Tuhan. Sikataken bujur man Tuhan sabab iatankenNa kita pulung i bas Pekan Doa Pelimaken (V) wari si sendah. Si jadi tema man banta wari enda "Tatap janah dengkehken pertotonku". Arah tema enda iajuk kita merenungkan maka Dibatanta ersikap katawari paksa pe lako natap ras ndengkehken kerina pertotonta. I bas erbage bage kelsehen, pingko-pingko, perbeben, baban simberat bage pe paksa meriah ukur ras malem ate, Dibatanta ersikap natap ras ndengkehken kita. Dage guna menaken kebaktinta enda, mari siendesken dirinta ras pe Serayan Tuhan si ipakeken Dibata guna nehken sura-suraNa. Mari ras kita ertoto ...

--- Perpulangan Tedis ---

RENDE KEE No. 2:1-2

Ipuji kami Kam, gelarNdu si mejin,
O, Tuhan sinidas, si mekelek mbelin
Sinasa lit kepe i surga ras i doni
Man Dibatanta e ras kita k'rina muji
Kam Si Badia e Kam tetap si 'ngkawali
LiasNdu tangkas min i surga ras i doni

Kam lalap man pujin ibas ende-enden
'Rkiteken bujur kap mehuli peraten
Di reh nge pagi Kam ngukumsa pengarahen
Mekuah 'teNdu min mb'ra ola kesalahan
La kalak kemalun si baNdulah ernalem
Kam penundalenku e maka 'teku malem



Votum – Salam - Invocatio

- L I bas gelar Dibata Bapa, i bas gelar AnakNa Jesus Kristus, ras i bas gelar Kesah Si Badia.
Perkuah ate ras dame i bas Dibata Bapa, i bas Jesus Kristus nari ras i bas kerembaken Kesah Sibadia ras kita (kam) kerina gelah. Amin
- P Amin, Amin, Amin ... (*iendeken*)
- L “La kita mbiar i bas adep-adepen Dibata sabap ibegikenNa kita adi sipindo man baNa kai si sentudu ras peratenNa” (1 Joh. 5:14).
Erpalasken kata Dibata enda, sipuji Tuhan arah ende-endenta :
KEE No. 332:1-2 TOTONTA BEGIKENNA
Totonta begikenNa, Keleng ateNa kita
Ertoto isuruhNa, Em si ngena ateNa
Mbelin kal kuasaNa, Ras perkuah ateNa
Sipindo si erguna, Lah terpuji gelarNa

--- *Perpulangan Kundul*---

Pujin Man Dibata si Mperdiateken Kegeluhen Manusia

- L Terpujilah Dibatanta i bas ingan si meganjang, simperdiateken kerina dampar geluhta.
- P Ipuji kami Kam O Tuhan, Bapa si erpengidah dengen metinggal kempak manusia
- L Dibata si erdolat, ermulia, erkuasa seh rasa lalap, e me kap si ngarak-ngarak kegeluhenta katawari paksa pe
- P Suari berngi igejapken kami pengkawali ras penemani Tuhan.
Kam Dibata si nandai kami alu payo, la lit sada pe kami manusia pulah i bas pengidahNdu nari
- L+P Terpujilah Dibata i bas geluhta, genduari seh rasa lalap !
- L Mari sipuji Tuhan : **KEE 263:1-2**
Adi kuidah ampar bintang terang, Ras sora lenggur guntar kubegi O, Tuhanku i je ukurku mamang, Ngidah b’linna krina tinepaNdu
Reff : Maka pusuhku e pehaga Kam, Mbelin me Kam o, Tuhanku
Maka pusuhku e pehaga Kam, O, Tuhanku, mehaga Kam
O, Tuhanku di k’rina kuukurken, Perkuah ’teNdu nebusi aku
Tuhan me kap man bangku nggo ib’reken, Alu dareh Jesus Si Badia
Reff : ...



Kinilangasupen Manusia Nggejapken Dibata Natap ras Ndengkehken Pertoton

- L Kearun ate megati reh ngerimrim pusuhta, kedungenna la igejapken manusia uga belinna kuasa Dibata
- P Ngaku kami Tuhan, rusur la inget kami keleng ateNdu si tetap, si nggo padankenNdu man Abraham, Isak, Jakup. Padan e icikepNdu kap seh wari enda. Tapi kearun ate kami rusur belinen asangkan ukur si tetap. Wari perlego si berdampak ku perturah sinuan-sinuan, perbeliten jabu bagi si picet, binaga kurang lakona, usaha kurang lancarna, pinakit erdenden, lagu langkah anak jabu la bagi ukur, turah perubaten i bas sangkep nggeluh, ras si debanna. Maun enda erbahanca lanai kami ngasup ngidah keleng ateNdu si tetap. Tatap janah dengkehkenlah pertoton kami Tuhan
- L Mari siakuken kinilangasupenta nggejapken Tuhan arah ende-endenta : **KEE GBKP No. 378 (iendeken 3x)**
O Tuhan reh aku ku lebeNdu, Nembah ras ngataken bujur baNdu
Aku enggo itebusNdu, Dosaku ialemiNdu
Pulah me aku O Tuhan, Ibas iketen kuasa dosa
Malem kal ateku Tuhan, Nggo terkelin tendingu

--- *Perpulangan tedis* ---

Pergegeh Guna Nggejapken Kuasa Dibata arah Pertoton

- L Tuhan Dibata kap ulu kepentaren ras pemeteh. IberekenNa pengertin simbaru man kerina anak-anakNa. IajariNa kap kita ngangkai kuasaNa simbelin, ngidah keleng ateNa si tetap, nggejapken maka Ia erpemege ras erpengidah man kerina jelma si la erndobahen. Bagi kesaksin Pemasmur nina "*Keleng ateku man Tuhan, sebab idengkehkenNa aku, ibegikenNa pertotonku. ibegikenNa aku tep tep kali aku erlebuh man baNa*" (Msm. 116:1-2). I bas keriahen ukurta nggejapken kuasa Tuhan, Mari sipuji gelarNa: **KEE GBKP No. 274:1-2**
- Kupuji Kam o, Tuhanku, perban keleng ateNdu
Ateku nggeluh badia, Ngelawan kuasa dosa
Bage me sura-suranku, Bere gegeh ras kuasa
Geloh tetap perjinkangku



Kam saja patut dat pujin, Bas kegeluhen kami
Ban Kam Tuhan si perkeleng, si nasap dosa kami
Siberitaken me dage perbahanenNa si mbelin
'Lah doni pe muji Tuhan

--- *Perpulangan kundul* ---

KATA DIBATA (ibenai ras idungi alu pertoton)

Renungan : Nehemia 1:4-11

Tema : **“Tatap Janah Dengkehken Pertotonku Tuhan”**

KATA PERLEBE

Nehemia kalak Juda si erdahin jadi pelayan pribadi Artahsasta, raja Persia. I bas istana tugasna teptep wari nikapken anggur man raja (Neh. 1:11b). Nehemia i bas cakap Heber נְחֵמְיָהוּ (Nekhemyah); rehna i bas kata נָחַם **naham** (*menghibur, memberi penghiburan, menenangkan*) bagepe kata יהי **Yah/Yāh eme YHWH (TUHAN)**. Jadi Nehemia ertina *“Allah yang memberi penghiburan”*. I bas sada paksa, ibegi Nehemia kecibal bangsana si ndube nggo leben mulih pembuangan nari ku Jerusalem. Berita sibegina eme **kiniseran simbelin**, bangsa-bangsa isekelewet Juda reh nggombangi, tembok kota Jerusalem sontar, pintu gerbang ceda kenca iciluk (Neh. 1:3). *Reaksi* Nehemia kerna perbeben bangsana enda me si ituriken i bas **Nehemia 1:4-11**.

ISI

NEHEMIA 1:4-11

Ayat 4 : Megi berita bangsana e kundul Nehemia janahna tangis. Silakoken Nehemia enda nungtungken kecedan ate si mesangat (*duka mendalam, berkabung*). Piga-piga wari dekahna ceda ate Nehemia, janahna erpuasa. I bas jaman e erpuasa eme wujud *pertobatan*, ndarami kepentaren, ras pengendesen diri kempak Tuhan (Bnd. Esra 8:21, Joel 2:12). I bas Pustaka enterem tokoh si erpuasa termasuk Tuhan Jesus (Musa, Elia, Jesus, Daniel, Ester, Daud, Nehemia, Junus, Esra, bagepe Paulus). Kenca si e kerina, ipesehna pertoton man Dibata. Nehemia tuhu-tuhu rutang pusuh i bas perbeben bangsana, la terengkenca sinik natap perbeben bangsana. Pertoton Nehemia enda ikatakten pe **pertoton sapaat** sebab ertoto guna kiniulin kalak si deban.



Ayat 5-7 : Ayat enda eme **isi pertoton Nehemia**. Perlebe Pengakun Nehemia kerna **ise kin Dibata**, IA me kap Dibata si mbelin, si ihamati, si erkuasa, erdolat nai nari seh rasa lalap. Janah si pentingna i jenda, Dibata si dahi Nehemia i bas pertotonna, eme Dibata si **setia** nehken perpadanen man kalak si engkelengi IA (ayat 5). Kata "**setia**" ituisken "דָּרָה (*khesed*)" si ertina kesetian Tuhan nandangi perpadanenNa (janji) la pernah ilupakenNa nai nari seh rasa lalap. Kualitas kesetian sibagenda i bas Dibata kap ngenca lit.

Kesetian si berkwalitas "דָּרָה (*khesed*)" enda me jadi palas pemindon Nehemia gelah **Itatap janah idengkehken Tuhan pertotonna (ayat 6)**. I bas cakap Indonesia ayat enda ituliskan "... *berilah telingaMu dan bukalah mata-Mu dan dengarkanlah doa hambaMu....*". Igejapken Nehemia Dibata e berbentuk *personal* (pribadi), igambarkenna Tuhan *berkarakter* manusia gelah reh tergejapna *keterlibatan* Dibata i bas kegeluhen manusia. Dibata si erpemegi (metinggal) tentu kwalitasna ndauh belinen asangkan kwalitas pemegi manusia si terbatas, bagepe kwalitas erpengidah i bas Dibata tentu ndauh sikapen asangkan pengidah manusia biasa. Dibata ersikap katawari pe mereken *perhatian penuh* man anak-anakNa. Bageme ketedehen ras pengarapen Nehemia i bas pertotonna tupung ibelaskenna "tatap janah dengkehken aku o Tuhan".

Tole i bas ayat enda, Nehemia **ngakuken dosana ras bangsana** sebab la idalankenna perintah Tuhan, la ipatuhina undang-undang Musa. Perbahanenna ras bangsana tuhu-tuhu enggo jahat.

Ayat 8-9 : Ipindo Nehemia gelah inget Dibata min padanNa ndube : adi setia bangsa e ibaba Tuhan mulih ku ingan si sikap. Tapi adi la patuh idatkenna ukumen janah ikerapken Tuhan ku bangsa-bangsa si deban (bnd. Imamat 26). Nehemia ngidah lit kesempatan simbelin man bangsaNa mulih ku taneh si padanken Dibata. Si enda banci tersehi sebab Dibata pasti nginget padanNa si ndube (konsep "דָּרָה – *khesed*" bagi tersinget i bas ayat 5 ndai). Tentu gelah tersehi, ibabai Nehemia bangsana nggeluh patuh ras erkemalangen man Tuhan.

Ayat 10-11 : Ijenda mindo Nehemia gelah sehken Dibata pertotonna. Dekahna Nehemia ertoto empat bulan, ibenaken i bas bulan Kislew (oge Neh. 1:1), janah ijabab Tuhan tupung ia ngadap man raja i bas bulan Nisan (Oge Neh. 2:1). Kidekah empat bulan,



gedang-gedang wari Nehemia notoken bangsana. Tutus ia ertoto, megenggeng, erpuasa, pusuhna getem, tangis guna pemulihen bangsana.

I bas Invocatio 1 Johanes 5:14, ituriken kerna Dibata megiken pertoton anak-anakNa adi ipindo sentudu ras peraten Tuhan. E maka i bas pertotonta megati rusur sibelasken “peratenNdu kap jadi Bapa, labo peraten kami”. Konteks I Johanes 5 e me kap : enggo sialoken kegeluhen si tahu-tuhu erkiteken Kristus, e maka nggo lit dalanna kita mindo ku Dibata arah pertoton. Saja ngenca pertoton e arus erpalasken **kai si sentudu ras sue peraten Dibata**. Sebab peraten Dibata si jadi banta eme kai si mehuli, sikap, mereken kemalemen ras kejuah-juahen, labo pernah si la mehuli sikapkenna banta (Bnd. Jeremia 29:11)

PENGENAINA

“**Tatap janah dengkehken pertotonku Tuhan**” bage me ninta erbelas i bas teptep pertotonta. Tuhan eme pribadi si reh natap alu dem perkuah ate ras ndengkehken alu metinggal kerna : pingko-pingkonta, kelsehenta, perbebenta. Kinikotenta, iluhta mambur, soranta serko. Rsd. Tuhan natap ras ndengkehken kita seh ku bas perbebenta si mbagesna. “Mata” Tuhan mesinteng natap perbebenta, janah “cuping” Tuhan metinggal nandangi pingko-pingkonta. Jenari, i bas dampar meriah ukur pe, Tuhan natap ras ndengkehken pertotonta. Tuhan enggo ersikap i bas kerina si terjadi i bas geluhta. Enda me dalanna maka reh tetapna ukurta tupung ertoto man Tuhan. Tupung sikataken “**tatap aku janah dengkehken pertotonku**” enda pe ncidahken sikap **pengendesen diri**, ras **kiniteruken ukur**. Siakukenlah iadepen Dibata kecibalta si meteruk, si la ergegeh, si dem alu keterbasen enda.

Tole adi erlajar kita arah Peroton Nehemia, ietehna kal tahu-tuhu kai si ipindona man Dibata. Sedar ia kai si terjadi man bana paksa e, janah e ka nge si ipindona man Dibata. Berhikmat ia (pentar) i bas mpeseh isi pertotonna man Dibata. Megati la siarap la kita berhikmat (pentar) mindo man Tuhan. Si peseh kita e situhuna lenga bo jadi kebutuhenta genduari. Janah lenga la ka bo sue ras peraten Dibata (bnd Invocatio).



Jenari, i bas pertotonta siampekenlah kerinana kempak kuasa Tuhan. Adi nggo siampeken baNa, tentu Tuhan si erdahin, saber kita nimai ulihna i bas Tuhan nari. Bagi sada kalimat nina *“saat aku angkat tangan, maka Tuhanku yang turun tangan..”* Kuasa Tuhan singaturkenca adi nggo siendesken geluhta man baNa.

Renungenta wari enda pe mpersingeti kita, maka labo kerina sura-suranta banci tersehi bagi si rencanakan kita. Lit ka paksa si payo erpalasken sura-sura Dibata. Kai si sentudu ras peraten Tuhan eme si sehkenNa banta. Ntah maun gia lit si lenga ijabap Tuhan isi pertotonta seh wari sendah, ula kita surut ertoto, tapi sebalikna suankenlah terus *relasi* ku Dibata, sebab pertoton labo ngenca inganta mindo (**hak**) tapi pertoton pe inganta *terhubung dengan Tuhan (connected to God)* lako megiken kai sura-suraNa gelah sidalanken i bas geluhta si tep tep warina. Soli Deo Gloria, terpuji Tuhan !

Pengakun Kiniteken Persembahen

*(Perpulangan Tedis)
(Perpulangan Kundul)*

L Seh me paksana kita ngendesken persembahen pengataken bujurta man Dibata. Kata Dibata si jadi palas ersembah erpalasken 2 Korinti 9:7 *“Sekalak-sekalak iberekennalah sue ras si nggo itetapkenna i bas ukurna; ola alu pusuh jungut-jungut tah pe bagi si terpaksa, sabap Dibata engkelengi kalak si mere alu ukur meriah”* Tupung si pepulung persembahenta, mari sipuji gelar Tuhan : **KEE No. 450:1-**

Endesken kami man baNdu, sada bagin pemereNdu
Persembahen kami baNdu, Gelah ialokenNdu

Reff : Pasu-pasuNdu min gelah, Si tading i bas kami
Ajarindu dage kami, m're persembahen baNdu

Si pepulung persembahen, Si endesken e man Tuhan
Asa gegeh kengasupen mari sipersembahken **Reff : ...**

K'rina jine si aloken, erta ras pe kiniliten
Sada bagin si ulihken, asa si nggo sikapken **Reff : ...**

Pertoton Persembahen ras Sapaat

1. Persembahen ras Jabu ingan pulung wari enda ras wari si pepagi
2. Gelah perpulangan ngasup nggejapken Dibata natap ras ndengkehken pertoton
3. Bangsa, Negara ras Pemerintahen gelah idemi Tuhan alu kepentaren i bas ndalanken tugas ras tanggungjababna



4. Notoken daerah PI :

- Klasis Medan Namorambe : Runggun Lubang Ido, Runggun Bekukul – Namo Pakam, Runggun Jaba, Runggun Namo Pinang, Perminggun Pondok Tengah, Bajem Gunung Klawas, Runggun Tangkahan, Runggun Kuta Lepar
- Klasis Medan Kuta Jurung : Perpulungen Tanjung, Perpulungen Simpang Kawat, Perpulungen Taduken Raga, Runggun Patumbak
- Klasis Medan Deli tua : Perpulungen Laja/GBKP Runggun Penen, Perpulungen Penungkiren/GBKP Runggun Penen, Perpulungen Pernangenan/GBKP Runggun P. R. B, Perpulungen Buluh Belin/GBKP Runggun P. R. B, Perpulungen Rambai /GBKP Runggun P. R. B, Perpulungen Ujung Meriah/GBKP Runggun Periarua, Perpulungen Tembengen/GBKP Runggun Periarua, Perpulungen Kwala Uruk/GBKP Runggun Tanjung Berampu, Perpulungen Namo Pinang Kuta/GBKP Runggun Simpang, Runggun Namo Mbaru/Salang Tungir, Runggun Pertumbuhan, Runggun Bandar Bayu, Runggun Betala, Runggun Delitua Kuta
- Klasis Barus Sibayak : Perpulungen Barus Julu - Rg. Tanjung Barus

5. Si turah i bas perpulungen : ...

--- *Perpulungen tedis* ---

Perpadanen Man Dibata

- L Keleng ate Dibata si tetap eme jadi palas IA mperdiatakan kita teptep wari. Desken sekalak teman si erkeleng ate, belinen pe kelengNa i bas natap ras ndengkehken manusia
- P Bujur O Tuhan, ipetetapNdu ukur kami wari enda. Inget kami keleng ateNdu si tetap, si nggo padankenNdu nai nari idur Pustaka. Padan e icikepNdu kap seh wari enda, setia kam natap ras ndengkehken kami. Wari perlego si berdampak ku sinuan-sinuan la erbahanca kami surut ertoto. Kuga pe cibalna perbeliten jabu tetap kami ngatakan bujur. Usaha ras binaga kami endesken kami baNdu. Pinakit si erdenden, lagu langkah anak jabu la bagi ukur baba kami i bas pertoton man Tuhan. Tutus kami ertoto gelah jabu kami sempabu bagepe nggit kami sikelengen i bas sangkep nggeluh kami
- L Mari sipeteguhi perpadanenta arah ende-endenta : **KEE No. 309:1-2**



Pengasup kami o Tuhan, Gelah pedahNdu banci idalanken
Em kap tendang kami bas kegeluhen, KataNdu si man gelemen
Gelah tangkas kata ras perbahanen
Ban min kami tetap bas kebujuren, SurgaNdu kap perayaken

Temani kami o Tuhan, Bengket ku doni si dem keguluten
SampatiNdu kami lako naluken, Dosa si man sirangenken
E maka ola kal kami tadingken
I bas kami ndalani kegeluhen, G'lah dat kami kemenangen

Pertoton Tuhan

Pengutusan ras pasu-pasu Dibata

- L Mulihlah alu dame ras mejuah-juah, janah alokenlah pasu-pasu idur
Dibata nari "*Ipasu-pasu janah ikawali Dibata kita (kam), siang ayo
Dibata ersinalsal ibabonta (ndu), janah melias ateNa ngenehen kita
(kam). Itatap Dibata ku kita (kam) janah malem ateta (ndu) ibahanNa,
Amin*"
- P Amin... Amin... Amin ! (*iendeken*)

Pdt. Mikha Ginting, M.Th.
HP/WA : 085297419809



KEBAKTIN PEKAN DOA GBKP (I Perpulungen) WARI VI, JUMAT 22 Mei 2026

I. PERSIKAPEN

- Nikapken kerina perlengkapen guna kebaktin dingin ngaturken simuat bagin i bas kebaktin
- Nuratken isi pertoton sapaat
- Mpelajari ende-enden i bas kebaktin

II. KEBAKTIN KATA PENARUH

Kekelengen Tuhan, Ertoto eme dalanta jumpa ras Dibata guna mpeseh sura-sura, pengarapen pengataken bujur bagepe tanda tedeh ateta. Pekan Doa berngi si pe-enemken, ngajuk kita guna ertoto alu mengisngis, ertoto alu mengisngis la saja guna dirinta tapi pe guna kalak si deban. Arah kengasupenta notoken temanta kita nggo jadi keluarga bagi siniarapken sasaren pelayanen gerejanta tahun 2026-2030.

Mari sitaruhken Serayan Tuhan si ipakeNa i bas wari enda guna peseh sura-suraNa, ras kita ERTOTO.

Sibengketi kebaktin Pekan Doa berngi sipeenemken enda alu ngendeken:
KEE GBKP No. 395:1-2 *(Perpulungen Tedis)*

Sipujilah Tuhanta e, Dibatanta si erkuasa

La ersibar kuasaNa, LiasNa 'nggo tetap

Reff : Marilah kita kerina, Sipuji Tuhan bas geluhta

Mbelin kekelengenNa banta k'rina, Segedang geluhta

Sipujilah Tuhanta e, Singerajaisa kerinana

Emaka kerajang jelma, Mehuli jadina **Reff :** ...

VOTUM, SALAM ras Invocatio

L I bas gelar Dibata Bapa sijadi inganta (ndu) guna nehken pertoton,
i bas gelar Jesus Kristus singajari kita (kam) ertoto ras si bas gelar
kesah si Badia, siertoto gunanta (ndu).



P Perkuah ate ras dame i bas Dibata Bapa, i bas Jesus Kristus nari ras
i bas kerembaken kesah si Badia ras kita(kam) kerina gelah.Amin
Amin. Amin. Amin (*iendeken*)

L Tapi ertoto arus tek, ula monce-once. Kalak si monce-once bali kap
ras gelumbang i lawit si ibentukan angin ku jah ku jenda. (Jakub
1:6). Mari si puji Tuhan alu ras kita rende **KEE GBKP No. 372:1-2**
Pujilah Tuhan si Badia Puji perbahanenNa si mbisa
Embus suling, terompet, Cawir ban sorana
Puji Tuhan si Mada k'rina tinepa

Suraklah o doni kerina, Rende muliakenlah gelarNa
Bujur perbahanenNa, La pedas merawa
Puji Tuhanta ibas lias ateNa

(Perpulungen Kundul)

PENDILO GUNA ERNALEM MAN DIBATA

L Kekelengen Tuhan, Dibata mereken diriNa jadi inganta nehken
pertoton. IA setia jadi inganta ngampeken isi pusuh ukurta.
langkana sora pusuh ukurta, ipulahiNa i bas kepiceten ras
kebiaren nari dingen iteguNa pusuh ukur si kote kempak keriahen,
e maka Marilah ernalem man baNa.

P Rende KEE No. 202:1
Ernalem gelah man Jesus, Kula ukur tendingku
Endesken geluhndu baNa, Keleng ateNa bandu
Reff: Ernalem gelah! Tutus min gelah
O, Jesusku bahan aku, Ernalem gelah

L Aminna pe erdalan aku arah kelbung sigelap, la aku mbiar jumpa
cilaka sabab Kam kap ras aku O Tuhan, IkawaliNdu aku desken
permakan engkawali biri-biri alu ciken ras kayan-kayanna (Msm.
23 : 4)

P KEE GBKP No. 202:1
Ernalem gelah man Jesus, Kula ukur tendingku
Endesken geluhndu baNa, Keleng ateNa bandu
Reff: Ernalem gelah! Tutus min gelah
O, Jesusku bahan aku, Ernalem gelah



-
- L Malem kal ate kalak sicilenggem man baNa, penanam-namamla uga belinna kiniulin Tuhan. O kam BangsaNa, ikutkenlah TUHAN, kalak si tutus ngikutkenca lalap la kekurangan (Msm. 34 : 9,10).
- P Rende KEE No. 201:1,3
Ernalem gelah man Jesus, Kula ukur tendingu
Endesken geluhndu baNa, Keleng ateNa bandu
Reff : Ernalem gelah! Tutus min gelah
O, Jesusku bahan aku, Ernalem gelah
- Ola lupa 'rtoto baNa, Ras kataken bujur pe
Mbue kapen pemereNa, Ola lupa kita e **Reff** : ...

RENUNGEN (Ibenai ras idungi alu pertoton)

Renungen: Keluaren 32 : 11 - 14

Tema : Meseksek Mindo Man Tuhan

KATA PENARUH

Kalak meseksek mindo biasana guna kepentingan dirinta, adi guna kalak si deban maun me megati kita lupa. Arus kepe kita sadar bahwa i bas litna perbeben simberat sisangana sialaken, maka pertotonta ergegeh kal man kalak si deban ras sebalikna pertoton kalak si deban ergegeh kal man gunanta.

Pengalaman sekalak perberita simeriah i bas litna kebiaren kerna isu-isu kuasa kuasa gelap i bas pelayanen ija ia itempatken, nina ertoto: O Tuhan bicara mate aku, tah sakit aku erkiteken kena kuasa gelap i bas ingan enda, man diringku labo masalah tapi Kam "tercurna" sabab gegehen tempa kuasa sigelap asangken kuasaNdu i bas njagai aku". Isi toto enda banci saja iakap "menguji Tuhan" tapi situhuna i bas kebiaren pasrah ras meseksek mindo nandangi kuasa Tuhan singasup njagai kegeluhen suruh suruhenNa.

ISI

Bangsa Israel megati igambarken i bas sipat mekeng /keras kepala ras la patuh man Tuhan. I bas Pasal 32 ope Teks enda teridah maka bangsa Israel erbahan patung anak lembu emas erkiteken melawensa iakapna Musa ringan i deleng Sinai. Bagepe i bas Bilangen 14 isingetken maka jungut-jungut Bangsa Israel, ijunguti kalak Israel



Musa ras Harun nina ; ulin min merenda mate i Mesir tah i bas tanah mesawang enda , engkai maka ibaba Tuhan kami ku negeri enda, nandangi mate me kami i bas peperangan...rtsna.

Bagin si jadi renungenta berngi enda eme Pertoton sinisehken Musa alu meseksek man Israel gelah la ikumen Dibata/gelah Dibata mbatalken ukumen sienggo irencanakanNa.

Pertoton Musa enda ibenai alu nehken Pengakun nandangi gegeh Tuhan i bas naruhkan bangsaNa, bagepe nginget Padan Dibata man ninina Abraham,Isak ras Jakub. Teridah bahwa Musa tuhu-tuhu nandai Dibata, sijadi inganna erlebuh, Dibata sienggo, Dibata sisangana, ras Dibata si seterusnya pasti erkuah ate guna nelamatkan bangsa Israel.

Payo bangsa Israel enggo erdosa, patut nge ndatken hukuman tapi tek kal Musa maka belinen dengan perkuah ate Tuhan, Padan Dibata kerna penyematen e labo banci ngadi , jenari pe Musa mereken sada pertimbangan man Tuhan kerna kai sibakal ndarat bas babah kalak Mesir nari, nina :"*ikataken bangsa Mesir me maka Kam nggo mbaba ia ndarat i Mesir nari alu tujun munuhsa i deleng-deleng enda janah ngeradaskenca tuhu-tuhu i bas doni enda nari*". Pertimbangan enda encidahken kuga Musa njagai "wibawa Tuhan" selaku Dibata penyemat. Sabab dikune BangsaNa jadi iukum erbahan ragu kalak nandangi keleng ate Dibata e.

Pertoton sinisehken Musa alu meseksek erbahanca *erkusur ukur TUHAN janah la isehkenNa cilaka si nggo isurakenNa man BangsaNa*. I bas Pustaka Si Badia si idah melala kal kejadi si lit perbalina kerna" suruh-suruhan" Dibata ertoto alu meseksek nandangi kalak si deban janah pertoton si bage ibegiken Tuhan, isehken Tuhan pemindonna. Abraham meseksek mindo gelah ula ikerneppen Sodom ras Gomora (Kej 18 : 23). Daniel mindo ertoto alu mengisngis nandangna bangsaNa, gelah Dibata ngalemi bangsaNa silanai patuh man Tuhan (Dan. 9). Sekalak perwina mindo alu "meseksek" gelah Jesus pepalem suruh suruhenna (Mat. 8:6-13). Perpulungen alu ate utus tetap ertoto nandangi Petrus sisangana i bas penjara (Perb. Rasul 12:5) ras si debanna.

I bas Invocatio, Jakub 1 : 6 ningetken kita maka i bas ertoto arus tek, ula monce-once. Kalak si monce-once bali kap ras gelombang i



lawit si ibentuken angin ku jah ku jenda. Kata monce-once i bas Bahasa Indonesia iterjemahkan alu kata : Bimbang tah ragu-ragu, kurang tek.

I bas ertoto arus fokus ku Tuhan fokus nandangi padan sinipadankenNa, janah tek maka rancanganen Tuhan ema rancanganen si mehuli man banta.

PENGENAINA

1. I bas litna perbebenta tetaplah meseksek erlebuh man Dibata sienggo milih kita jadi anak-nakNa, nina: *“Lebuhlah Aku e maka Kualoi kam. Kuturiken ateKu man bandu perkara-perkara si mbelin si la terantusindu”*. Jeremia 33:3. *“Pindolah, tentu ngalo me kam; daramilah, tentu idatndu; tuktuklah, tentu italangi pintun man bandu”* Mat.7:7. Sangap kal kita sabab lit inganta erlebuh eme Dibata siperkeleng.
2. I bas pertoton sinisehken kita alu meseksek tergejap kal man banta kerna biak Dibata kepate/”care” nandangi sora pusuhta , la kepe sia-sia teptep kelsehen sinituriken kita i bas totonta.
3. Pertoton sinisehken kita alu meseksek nandangi kalak si deban eme dalam Dibata make kita jadi alatNa guna encidahken keleng ateNa man kalak siarusna bena erkiteken dosana.
4. Pekan Doa wari sipeenemkem enda ndilo kita kerina perpulungen guna alu meseksek, alu ukur meteruk, dem pengendesen, la monce-once ras pengakun kerna keleng ate Dibata bagepe sitoto-tononken kita sada ras si debanna. Sabab kita me ipake Tuhan jadi “malekat” man temanta, alu bage keselamatanen jadi baginta.

Pengakun Kiniteken

(Perpulungen Tedis)

Persembahen

(Perpulungen Kundul)

L Kata Dibata si jadi palas persembahenta : “Pemere-pemerendu e jadi sada persembahen si merim man Dibata, persembahen si lalokenNa dengen si ngena ateNa. Dibatangku si simpar alu kebayaken si lit i bas Kristus Jesus mereken kerina keperlunndu” (Pil 4:18b-19).

Iherta ngendesken persembahenta renda kita i bas : **KEE No. 302 : 1-** Nginget perkuah Dibata si mbelin, Si isehkenNa man banta k’rina kin I bas kerina dampar kegeluhen, I doni si dem alu keguluten



Reff : Endeskenlah kulanta man Dibata, Kerinana si lit i bas geluhta
Selaku persembahenta si nggeluh,
Em persembahen si ngena ateNa

Sabab bage me arusna kita kin, Ersembah man Dibatanta si mejin
Si' nggo m'reken man banta manusia, Keg'luhen si mehuli ras badia

Reff : ...

Marilah k'rina sipuji Dibata, Janah sipeteruk ka pe ukurta
Alu bage si dat sura-suraNa, Kai si mehuli ras ngena ateNa **Reff : ...**

PERTOTON SAPAAT

PS. 1 : Kerna Tuan Rumah wari si sendah bagepe wari si pepagi
(Ialoi perpulungen alu rende KEE GBKP No. 383)

Dengkehken Tuhan aku erlebuh, Nehken pingkoku baNdu Tuhan
Dengkehken Tuhan aku erlebuh, Nehken pingkoku baNdu Tuhan

PS. 2 : Kerna siturah bas perpulungen

(Ialoi perpulungen alu rende KEE GBKP No. 383)

Dengkehken Tuhan aku erlebuh, Nehken pingkoku baNdu Tuhan
Dengkehken Tuhan aku erlebuh, Nehken pingkoku baNdu Tuhan

PS. 3 : Kerna Daerah PI :

- Klasis Sumbagsel : Perp. sikincau Runggun Bandar Lampung, Perp. Kota Bumi Runggun B.Baru Bandar Jaya, Pos PI Kaur Runggun Bengkulu, Pos PI Muaro Enim Runggun Palembang, Perp. Pelayungan Runggun Muaro Bungo, Perp. Patokan Runggun Muaro Bungo
- Klasis Lubuk Pakam : Perp. Rumah Liang; Rg. Tanjung Raja, Perp. Deleng Gerat ras Perp. Bah Buntu; Rg. Rumah Rih, Perp. Gunung Paribuan; Rg. KM 95 Gunung Meriah, Perp. Bah Kuningan; Rg. Lubuk Pakam, Perminggun Si bunga-bunga; Rg. Tiga Juhar
- Klasis Jakarta Banten : Pembentukan Perminggun Bumi Sepatan, Runggun Tangerang, klasis Jakarta Banten.
- Klasis Kabanjahe Sukarame : Rg. Bakerah Simacem, Rg. Kuta Great, Rg. Sirumbia, Rg. Nageri Kuta Suah

(Ialoi perpulungen alu rende KEE GBKP No. 383)

Dengkehken Tuhan aku erlebuh, Nehken pingkoku baNdu Tuhan
Dengkehken Tuhan aku erlebuh, Nehken pingkoku baNdu Tuhan



PERPADANEN MAN DIBATA

Perpulangan Tedis

- L Dibata kap inganta ertoto, inganta erlebuh nuriken isi pusuhta
P Erpadan aku o Tuhan, ku Kam me ngenca inganku nuriken isi pusuhtu
L Dibata ndilo kam jadi alatNa guna ertoto nandangi senina turang
turangta i bas erbage-bage situasi geluhna
P Erpadan aku Tuhan guna notoken senina turang, janah jadi pasu-
pasu man kerina jelma.
L Tetaplah ertoto, sabab sialoken kap kai siipindo kita man baNa
arah pertotonta.

RENDE : KEE No. 21:1,4

O, Tuhan sierkuah ate, Man kami si perdosa e
Ipuji kami me GelarNdu, Perban liasNdu mbelin e
Dengkehken sora kami e, Begiken toton kami pe

Isehken kami bujur baNdu, O, Tuhan o, Dibatangku
Labo ateNdu kami bene, Tapina gelah terkelin.
Petetap ukur kami e, Aminna masap doni e

PERTOTON TUHAN

PEMASU-MASUN

- L Mulihlah alu dame ras mejuah-juah. Alokenlah pasu-pasu idur
Dibata nari “Dibata si enggo ndilo kita (kam) ku bas kemuliaNa si
rasa lalap i bas Kristus, Ia me njadikan kita (kam) serta, tetap,
megegeh dengen paguh. Ia me Si mada kuasa seh rasa lalap.” Amin.
P Amin..... Amin..... Amin..... (iendeken)

AKSI : “Jadi melekat man teman”

- Masing masing sipulung nuratken gelarna i bas sada kertas (mehuli pengurus PJJ nikapken potongan kertas)
- Kenca masing-masing nuratken gelarna, Rende: “Rumah Doa” janah ibereken (iputar) kertas/gelarta ku sebelahna, bagem seterusnya seh dung lagu.
- Lirik lagu “**Rumah Doa**”
Kubawa hidupku skarang
Ke tempat kudusMu Tuhan
Di mezbahMu kuserahkan
Seluruh hidupku



Penuhi hati ku skarang
Dengan urapan yang baru
Agar aku lebih lagi
Mendengar suaraMu

Jadikan aku Tuhan
Rumah doaMu
Agar semua suku bangsa
Datang menyembahMu

- Kenca bage kertas/gelar siseh man banta eme sijadi mantotokenta selama sada bulan, labo man singetenken bahwa si "A" tah si "B" simatoton kenta.

Pdt. Iswan Ginting Manik, M.Th
HP/WA : 0812-7020-9020



**KEBAKTIN PEKAN DOA GBKP
(I Perpulungan)
WARI VII, SABTU 23 Mei 2026**

I. PERSIAKAPEN

- a. *Setting* rumah ingan Pekan bernuansa meditative, misalna lampu redup ntah imateken kenca dung khotah, sikapken piga-piga lilin (banci isusun berbentuk salib, ntah melingkar iadepen perpulungan)
- b. Download music TAIZE arah Youtube, ntah banci imainkan pemusik adi lit.
- c. Perkundul melingkar ngelilingi lilin, ntah banci ngadap Salib adi lit.
- d. Sikapken speaker aktif guna mutar music ntah banci langsung arah laptop ntah HP.
- e. Seorang serayan Pdt/Pertua/Diaken ertugas menuntun doa meditasi.

II. KEBAKTIN

Kata Penaruh

Mejuah-juah kekelengen Tuhan, salam damai man bandu kerina. Pekan Doa nta berngi sendah make metode meditasi, e maka kerina lagu kari ibahan alu mengalir. Mari sisikapken dirinta, mari pekesahkan kita kentisik arah kerina rutinitasta, persiapkenlah pusuh ras pikirenta guna reh ku bas ibadah situhu-tuhu man baNa segelah pusuhta ipelimbarui i bas Kristus Jesus... mari ertoto kita guna kebaktinta dingen serayan Tuhan si mabai kebaktinta wari enda. ertoto kita.

Marilah masuk kita ku bas paksa teneng....

--- *Paksa Teneng*---

Mari si puji Tuhan ras kita rende **KEE GBKP No. 357** siulih 3 kali

Ula kam mbiar, Ula kam gentar, I bas Tuhanta labo lit kurang

Ula kam mbiar, Ula kam gentar, Tuhan si njamini

Votum salam ras Invocatio

L I bas gelar Dibata Bapa sijadi inganta(ndu) guna nehken pertoton, i bas gelar Jesus Kristus singajari kita(kam) ertoto ras si bas gelar kesah si Badia, siertoto gunanta(ndu).

Perkuah ate ras dame i bas Dibata Bapa, i bas Jesus Kristus nari ras i bas kerembaken kesah si Badia ras kita(kam) kerina gelah. Amin



-
- P Amin. Amin. Amin (*iendeken*)
- L Marilah dahi Aku, o kam si latih maba baban si mberat maka Kubereken pengadi-ngadinndu (Mat. 11:28).
- L Mari sipuji Tuhan alu ras kita Rende **KEE GBKP No. 388 :1-2**
Tupung tayang aku nginget Kam, Gedang berngi ku ukuri Kam
Sabab Kam si nampati aku, O Dibata tedeh 'teku Kam.
Reff : O Dibata Kam kap Dibatanku, Kudahi tedeh ateku Kam
Mesikel aku nandangi Kam, Desken taneh si enggo kerah
Bageme muasna tendingku, Man baNdu Tuhan Dibatanku
Sabab Kam si nampati aku, Teruh kabengNdu rende aku
'Di ras Kam meriah ukurku, O Dibata Kam sekawalku **Reff : ...**

Pertoton pengataken bujur man Tuhan

- L Ngataken bujur kami kerna perbahanenNdu si mbelin i bas kegeluhen kami, bujur Tuhan guna kerina kekelengenNdu. Kidekah umur geluhku aku ngataken bujur man baNdu, kuangkat tanku tupung aku ertoto baNdu. Alu ende-enden si meriah kupuji Kam. Tupung aku tayang idas ingan medemku kuinget Kam. Gedang-gedang berngi rukur aku kerna Kam, sebab kam si enggo nampati aku. I teruh kabengNdu rende aku perban riahna pusuhku, Ajari kami ngataken bujur nandangi kerina pemereNdu bas geluh kami Tuhan. Geluh kami dem perbeben, kiniseran ras iluh mambur, Dadaken tanNdu Tuhan nandangi kami si erlebuh man banNdu. KesahNdu si Badia ndemi kebaktin kami enda seh maka pantas man banNdu kebaktin enda Tuhan...Amin
- L Mari sipuji ka Tuhan alu ras kita rende **KEE GBKP No. 402 :1-2**
Perban keleng ateNdu, tebusiNdu geluhku.
Alu mambur darehNdu, Geluhku jadi mbaru
Reff : Asa ngasup gegehku,, kuikutken kataNdu
Jesus kam si perkuah., kupuji ras kusembah
Perban keleng ateNdu, ibabaiNdu dalanku
Ku dalam kesenangan, Gelah aku terkelin **Reff : ...**

Pengataken Bujur man Tuhan

- L Kami nggejapken Tuhan maka kami manusia si terbatas, mbue kel i bas perintah-perintahNdu si la terdalinken kami, seh maka mbue pe



si ilanggar kami, kami jadi sekalak anak si ngelawan, nakiti pusuhNdu ras teman kami manusia. Ajarilah kami O Tuhan jadi sekalak si erpusuhkan juak-juakNdu si ngkelengi, ngalemi ras mperdiakteken kalak si kelsehen, bagi Kam dem kekelengen man kami i bas kiniseran kami, perbeben kami ras kendelen ate kami. Mari tole si puji Tuhan alu ras kita rende **KEE GBKP No. 279:1**

Kam kap Dibatanku, Kam inganku cicio

Tegu-tegu aku, Begiken pertotonku

Reff: Ernaleman man baNdu, Kam pengarapenku

Kidekah geluhku, Ku puji Kam Tuhan

Kata Dibata (Ibenai ras idungi alu pertoton)

Renungan Masmur 27:7-10

Tema Tuhan Si Pekena-Kena Aku

KATA PERLEBE

Lit paksa-paksa bas geluhta ndabuh kini ku bas titik terendah segedang geluhta, asum reh percuban si mberat nderpa geluhta : teman geluhta nadingken kita seh rasa lalap, senina/turang, orang tua ntah anakta idilo Dibata, jabu si bangun kita sontar, kekelengenta sakit mekelek, usahanta gagal, kita ipengadi i bas dahinta nari, anakta gagal persekolahenna, keluarganta ngimbangani kita, i bas situasi e mekattep kel sigejap maka kita desken erdalan la erteman, ertangkel la eradum, rukur sisada, seh maka dungna secara kiniteken pe tempa Tuhan enggo lawes nadingken kita, tempa bunikenNa baNa, tapi kedungenna ertoto ngenca tambar i bas kerina kecibal perbebenta, i bas toto ngenca ingan nungkasken kerina pingko-pingkonta man Tuhan, ras i bas toto ngenca sidat ketenengen ras jawaben kerina perbebenta.

ISI

Latar belakang khotbah Masmur 26-28 ngerana kerna "nggeluh pintar", Masmur enda isina eme uga Daud ertoto mindo man Dibata alu meseksek gelah isampati Dibata ia ngelawan kalak singerencanakan kejahatan man bana. Dibata enggo masu-masu kegeluhen Daud em erbanca maka nembeh atena janah la Daud nggit erteman ras kalak penipu janah pekulah-kulah, bagepe nilahken kerina kalak si jahat (26:1-5).

Sementara Masmur 27 eme teks ta sendah mekattep pe igelari alu istilah "Masmur Kiniteken" ntah pe pertoton mindo penampat. Teolog mbagi Masmur enda ija ibenaken alu sipemena : Masmur Pujin (27:1-6),



2), sipeduaken : Masmur Keluh Kesah/Masmur Situasi La Tentu (27:7-12) jenari sipetelukan mulihken ku bas Mazmur Pujin (27:13-14), pemasmur megati kel make pola : “puji-pujin-nderkuh-puji-pujin” enda nggambarkan situasi kegeluhen manusia kap. Kenca puluh i bas kiniseran manusia mpenangkih pujin-pujin ku Dibata, e maka reh ka kiniseran ku bas geluhna nderkuh ka ia mulihken i bas toto, e maka kenca reh penampat Dibata sai kerina kiniseranna penangkihna ka mulihi puji-pujinna, bagem seterusnya.

Alu bage maka khotbahta enda Masmur 27:7-9 termasuk ku bas “Masmur Keluh Kesah”, nuriken kerna lit paksana i bas geluhna enda ija Dibata tempa-tempa ndauh kel, mekatap ka pe hubungenta ras Tuhan ceda, tapi siidah uga pemasmur nuriken maka tetaplaih ertoto gia tempa-tempa kita erdalan i bas gelap. Pemasmur tetap tek maka Dibata la pernah nadingken ia gia tempa-tempa situasi nuduhkan lalit serpang pulang ija nari pe.

Lit paksa-paksa bas geluh enda tempa-tempa Dibata la idah (cebuni) asum perlu kel kita Tuhan reh nampati kita, pemasmur ngajarken kita maka labo tanggung jawab Dibata saja guna ndarami kita, lit kange paksana kita per perlu erjuang guna tetap ertahan i bas kinitekenta man bana, kita perlu tetap ertoto adi ateta megegeh, i bas toto ngenca dalam nungkasken kerina kearun ateta, ras i bas toto ngenca sigejab jarakta sindeherna ras Tuhan. Masmur enda itutup alu sada kiniteken maka gia nande ras bapanta nadingken kita Tuhan tetap kap ras kita (10)

PENGENAINA

Pertoton eme ruang si paling jujur, ingan tanpa penghakimen, saluren i bas nehken kerina kebiaren, rawa, kecewa ras luka, kalak si tertekan bathin biasana desken kalak si kehilangan arah, tidak berdaya ras tempa-tempa ikuasai keadaan, tapi pertoton ngajari kita maka labo kita singaturken kegeluhenta tapi Tuhan kap, e maka pertoton erbanca teneng pusuhna, bene kebiarenta, mereken waktu banta merenungkan kegeluhenta ras menata ulang kerina emosinta, adi tekanen bathin mpeturah penggejapen kelungunen mesangat, la ipahami, ras itadingken, maka sebalikna pertoton mpeturah penggejapen kerna kehadiran Dibata si ndeher, megiken kita ras perduli man banta. Pertoton mabai kita bertahan i bas kiniseranta, mereken pengarapen si mbaru, ras pusuh si paguh, e maka teman-teman tetaplaih kap ertoto.



Meditasi Jesus

- L Senina ras turang pitpitkenlah matandu.. daramilah ketenangan ras dame sindemi pusuh perukuren ras tendindu... (tahap 1)
Tariklah nafasndu mbages-mbages... Tiap tarik nafas kam belaskenlah i bas pusuhndu... **“Tuhan... Jesus... Kristus... Anak Dibata..”** (tahap 2)
Teptep embuskenndu kesahndu arah babahndu belaskenlah i bas pusuhndu simbagesna alu manjar-anjar... **“mekuah min ateNdu..aku kalak perdosa..”** (tahap 3)
(Lakokenlah petunjuk tahap no 2 ras 3 mulih-ulih, setidaknya 10 kali)
- L genduari senina turang si tarik nafasta ras melasken ibas pusuh **“Tuhan... Jesus...Kristus...Anak Dibata...”** e maka asum i lepasken nafasta ninta ka tole **“keleng kal ateku Kam...”** iulahi 10 kali **tahap 4.**
Cataten : tahap 2,3 ras 4 banci iulahi rikutken waktu si lit

Pengakun kiniteken

Persembahen

- L Seh me paksana kita ngendesken persembahen pengatakan bujurta man Dibata. Kata Dibata si jadi palas ersembah erpalasken 2 Korinti 9:7 *“Sekalak-sekalak iberekennalah sue ras si nggo itetapkenna i bas ukurna; ola alu pusuh jungut-jungut tah pe bagi si terpaksa, sabap Dibata engkelengi kalak si mere alu ukur meriah”*
Tupung si pepulung persembahenta, mari sipuji gelar Tuhan Sipepulung persembahenta alu sipemena si puji Tuhan arah **KEE GBKP No. 393:1-**
Surga nari aku itatapndu, sanga lalar aku ras ngelabuh
Seh ku pusuh tangkas idahndu, ndaui kepe papak perdalanku
Kubegi ilebuhNdu gelarku, la ‘ku ngasup natap sinalsalndu
Ban mbelin me dosa-dosangu, la metanggung g’lari anakNdu.
Terbegi Kam reh ndeheri aku, tanNdu si melias negu aku.
‘Nggo ialemiNdu dosangu, Malem kal ateku bahanNdu.

O Tuhan bujur ningku man baNdu, Mbelin kel kualoken perkuahNdu
Sampat aku ngikut pedahNdu, G’lah tetap nehken p’ratenNdu



Pertoton persembahen ras sapaat :

- Ertoto kerna Lakon Persadan si Badia siilakoken wari pepagi gelah kerina perpulung ersikap guna ngalokenca
- Ertoto kerna Tuan Rumah
- Ertoto kerna wilayah PI :
 - Klasis Munte : Perminggun Tiga Siempat Rg. Pernantin, Perpulungen Gunung Manumpak Rg. Buah Manteman Munte
 - Klasis Pancur Batu : Rg. Namo Keling, Perp. Namo Buhara, Perp. Namo Kelungen, Rg. Gunanta, Rg. Basita, Rg. Taruna, Rg. Pancur Telu, Rg. Tinala, Rg. Kinala, Rg. Kampung Merdeka, Rg. Salam Tani, Perp. Kuta Tuala
 - Klasis Kuala Langkat : Perp. Sugih Waras Rg. Batu Mandi, Perp. Selayang Lau Landak, Perp. Tanjung Naman Rg.Bohorok, Perp. Tualang Gepang, Perp. Bandar Tengah Rg. Gotong Royong, Perp. Salang Bayangen Rg. Kendi, Perp. Namo Tongan, Perp. Tanjung Negeri, Perp. Uruk Mbelin, Perp. Buluh Kumpal, Perp. Lau Buron Rg. Maryke, Perp. Simpang Sukarame Rg.Namu Ukur, Perp. Tanjung Merahe Rg.Padang Cermin, Perp. Bukit Dinding Rp. Selayang, Rg.Gunung Ambat, Perp. Turangie Baru, Perp. Terlok/Biak Mampe Rg.Simpang Pulo Rambung, Rg. Buah Apam, Rg.Durin Mulo Besadi, Perp. Bukit Jaya, Perp. Tanjung Putri Rg.Tanjung Keriahen, Perp. Lau Tepu Rg.Tanjung Langkat, Rg. Lau Gunung, Perp. Lau Seridi Rg. Buah Raja, Perp. Kinangkong Rg. Kuala Murak, Perp. Batu Galang, Perp. Sanggapura, Perp. Tanjung Merawa Rg.Proyek Simpang Burah, Perp. Bangun Jahe, Perp. Bangun Kede, Perp. Adin Tengah, Perp. Bunga Rinte Rg. Telagah, Perp. Ujung Bangun, Perp. Batu Guru Rg.Bangun Mulia, Perp. Mbacang, Perp. Samir, Perp. Kaperas, Perp. Sulkam Rg.Cangkulen, Perp. Paranguam, Perp. Kampung Antara Rg.Pamah Tambunen, Perp. Batu Katak, Perp. Batu Jong-jong Rg.Namo Cengke, Perp. Garunggang Rg.Sampe Cita, Perp. Nambiki Rg.Gerat Namobetung,



Rg. Tanjung Nguda, Rg. Pamah Simelir, Rg. Parit Bindu, Rg. Rih Sogong, Rg. Bungara Pos PI Dagang Batu Perp. Durin Mulo Perp. Namo Putat Rg. Sabah Pideren

Tekad

L Marilah si bahan tekadta man Tuhan alu ras kita Rende KEE GBKP No. 454:3-4

Pusuhku enggo ip'limbaruiNa, P'raten doni lanai erkuasa
P'rayakenku ndalanken peratenNa, Kesangapen ib'rekenNa

Reff :Bujur man baNdu Tuhan, ban ialemi dosangku
Meriah kel ukurkU, Tuhan nasapken dosangku

Ukurku ipelimbarui Tuhan, Nai nilah i bas Tuhan

Sura-surangku saja kuikutken, Gundari kuikut Tuhan **Reff** : ...

Pertoton Tuhan

Pasu-pasu

L Mulihlah alu dame, Tuhan kap temanta, mari sialoken pemasu-masun i bas Dibata nari :Kekelengen Dibata Bapa, kekelengen AnakNa Jesus Kristus, persadan ras Kesah si Badia, nemani kita (kam) genduari, pagi seh rasa lalap. Amin...

P Amin... Amin... Amin.. (*iendeken*)

Pdt. Sinar R. Barus, M.Th
HP/WA : 085270078361





**GELAR ARON SI MPERSIAPKEN
BAHAN PEKAN DOA GBKP TAHUN 2026**

Pdt. Ribka Mayasari br Tarigan, S.Th, MM
Pdt. Oktorina br Surbakti, M. Th.
Pdt. Juda Dipa Sebayang, S.Th
Pdt. Liza Selvina Br Tarigan S.Th., M.M
Pdt. Melkisedek Sembiring, M. Th
Pdt. Jefri Alexander Keliat, M.Fil
Pdt. Elieser Tarigan Tambun, S.Th
Pdt. Mikha Ginting, M.Th
Pdt. Iswan Ginting Manik, M.Th
Pdt. Sinar R. Barus. M.Th



**Ula Lupa Kita Ngikuti
LAKON
PERSADAN SI BADIA
Minggu, 24 Mei 2026**



LAMPIRAN

TOPIK PERTOTON SAPAAT DAERAH PI

- **Klasis Lau Baleng :**

- GBKP Runggun Kuta Gamber Liren (Pembangunan gereja, rumah PKPW lenga lit, dukungan guna tenaga vikaris)
- GBKP Perpulungen Gunung Pamah (dukungan guna tenaga Detaser, perpulungen Tuhan gelah ergiah-giah)
- GBKP Runggun Lau Njuhar (pembangunan gereja, rumah PKPW lenga lit, dukungan guna tenaga pendeta)
- GBKP Perminggun Lau Peske (dukungan guna tenaga detaser)
- GBKP Runggun Paya Mbelang (pembangunan gedung KAKR ras rumah PKPW, dukungan tenaga detaser)
- GBKP Runggun Sp. 3 Lau Garut (dukungan pengadaan kursi gereja, dukungan pembangunan gedung KAKR ras rumah PKPW, gelah ilitken tenaga vikaris)
- GBKP Runggun Bukit Makmur (dukungan pembangunan gereja, dukungan pembangunan rumah PKPW, dukungan dana PI man tenaga Pendeta)
- GBKP Runggun Tingkat 3 (dukungan pembangunan gereja, dukungan pembangunan rumah PKPW, dukungan dana PI man tenaga detaser)
- Pos PI Pintu Angin Sukadame (dukungan dana penyediaan lahan, dukungan toto kerna Pos PI baru ipanteki, dukungan tenaga detaser si melayani pos PI gelah ngasup membangun perminggun)
- GBKP Perpulungen Lau Meciho (dukungan pembangunan gereja ras rumah PKPW, dukungan dana PI man tenaga detaser)
- GBKP Runggun Tanjung Sari Km. 10 (dukungan pembangunan gereja ras rumah PKPW, dukungan dana PI man tenaga deraser, pengadaan vikaris).

- **Klasis Riau Sumbar :**

- GBKP Perpulungen Sei Pagar Rg Pekanbaru (tumbuh ras berkembang),
- GBKP Perpulungen Tasik Serai Rg Kandis (tumbuh ras berkembang)



- **Klasis Kabanjahe :**

- GBKP Perpulungen Gung Pinto Rg Naman (tetap setia aminna pe minoritas)
- GBKP Perpulungen Dalam Jahe Rg Kutarayat (gelah banci gereja ije sebagai wadah masuk Langkat-T.Karo)

- **Klasis Sinabun :**

- GBKP Perpulungen Rih Tengah Rg Ujung Deleng (serayan Tuhan ras perpulungen aktif i bas dahin Tri Tugas Gereja, akses dalam gelah mejile)
- GBKP Perp. Liang Merdeka Rg. Tanjung Merahe (serayan Tuhan ras perpulungen aktif i bas dahin Tri Tugas Gereja, akses dalam gelah mejile, rencana pembangunan gereja)
- GBKP Perp. Mburidi Rg. Kuta Male (serayan Tuhan ras perpulungen aktif i bas dahin Tri Tugas Gereja, akses dalam gelah mejile)
- GBKP Perp. Buah Raya (serayan Tuhan ras perpulungen aktif i bas dahin Tri Tugas Gereja, akses dalam gelah mejile)
- GBKP Runggun Jinabun (serayan Tuhan ras perpulungen aktif i bas dahin Tri Tugas Gereja)
- GBKP Rg. Kuta Galuh (serayan Tuhan ras perpulungen aktif i bas dahin Tri Tugas Gereja)
- GBKP Rg. Kutabuluh Gugung (serayan Tuhan ras perpulungen aktif i bas dahin Tri Tugas Gereja).

- **Klasis Dairi :**

- Daerah pengembangan PI i Sibagindar Rg Salak Pakpak Bharat (gelah lit tim PI guna penajajaken, guna manteki perpulungen ije),
- GBKP Perminggun Sigalingging Rg Sidikalang (potensi si lit i bas daerah e banci ikembangkan bidang pertanian guna pertambahan jumlah ngawan)
- GBKP Perpulungen Lau Lebah Rg. Rante Besi (gelah ngawan tetap setia ras reh tambahna jumlah ngawan)
- GBKP Rg. Lau Petundal
- GBKP Perp. Kuta Nangka Rg. Kempawa
- GBKP Perp. Tanjung Jati Rg. Lau Sungsang
- GBKP Perp. Kampung Jawa Rg Tanah Pinem (gelah ngawan perpulungen tutus erkiniteken bage pe tetap setia ras reh tambahna jumlah ngawan)



-
- GBKP Perp. Lau Kersik Rg Bukit Karo (gelah ngawan perpulungen tutus erkinteken bage pe tetap setia ras reh tambahna jumlah ngawan erkinteken buena i je gereja si deban)
 - GBKP Perp. Sibira ras Perp. Tiga Baru Rg. Sumbul Pegagan (i bas daerah enda lit potensi i bas pertanian gelah ikembangken alu bage lit pertambahe jumlah ngawan)
 - GBKP Perp. Pasir Mbelang Rg Pamah Simalem
 - GBKP Perp. Pertumbuhan Kuta Tengah Pengambaten Rg Kedeberek (kedewasan jemaat i bas dahin Tri Tugas Gereja, keuangan gereja guna persiapan jadi rungun)
 - **Klasis Pematang Siantar :**
 - Rencana Pembentukan Pos PI Batubara (sangana ijejaki perpulungen khususna kalak Karo si enggo ertedeh ate nangdangi GBKP, detaser pe enggo ditempatken ku daerah enda)
 - Daerah Pengembangan PI i Teluk Panji – Rg. Cikampak (Enggo ilakoken lelang-lelang pengumpulan dana ibas rencana pembangunan gedung gereja)
 - Perp. Kota Pinang – Rg. Cikampak, Perp. Pulu Raja – Rg. Aek Kanopan, Perp. Aek Sopang – Rg. Kisaran, Perp. Mandoge – Rg. Kisaran, Perp. Small Holder – Rg. Kisaran, Perp. Rawang – Rg. Kisaran (topik doana gelah ngawan tetap tutus, setia ras reh tambahna jumlah ngawan/jiwa)
 - Perp. Dolok Sanggul – Rg. Balige (Proses pembangunan gedung gereja seh asa gundari tetap erdalan, segelah tetap ergiah-giah ibas pelayanen)
 - Perp. Pangururan – Rg. Jalan Nias (Proses penjajaken tapak gereja segelah banci ibangunken janah perpulungen tetap ergiah-giah ibas pelayanen, ertambahna jiwa ngawan perpulungen).
 - **Klasis Berastagi :**
 - GBKP Lau Gedang (situasi dalam mesera)
 - **Klasis Kabanjahe Tigapanah :**
 - Perminggun Tiga Runggu Rg Saribudolak (kehadiran perpulungen ikut muat bagin)
 - Perp. Semeluk Rg saran Padang (akses dalam si mesera)



- **Klasis Binjai Langkat :**

- Bajem Bandar Tinggi Runggun Batang Serangen
 - Bajem PSL (Perkebunan Sawit Langkat) Runggun Batang Serangen
 - Bajem Gelugur Tani Runggun Kuala Unggas
 - Bajem Belinteng Runggun Namotating
 - Bajem Lau Ban-ban Runggun Namotating
 - Bajem Penampangan Runggun Pasar 2 Namoterasi
 - Bajem Pirlok Runggun Petani Jaya
 - Bajem Cinta Rakyat Runggun Securai
 - Bajem Telaga Said Runggun Securai
 - Bajem Batu 8 Runggun Stabat
 - Bajem Bandar Bingei Runggun Tanah Merah
 - Bajem Jambur Karet Runggun Tanjung Pura Gebang
 - Bajem Jati Tunggal Runggun Tanjung Pura Gebang
 - Perminggun Mandalingen Runggun Tanjung Pura Gebang
 - Bajem Ujung Barat Runggun Tigasabah
 - Bajem Saporok Runggun Tigasabah
- Topikna eme segelah kerina bajem ras perminggun enda tetap ersada arih, megegeh dengen ngasup erberita si Meriah guna reh teremna kalak nandai Jesus selaku Juruselamatna)

- **Klasis Tiga Binanga :**

- Perp. Cerumbu Rg. Liang Melas Datas
- Rg. Kuta Kendit Kanaan
- Perp. Pola Tebu Rg. Kuta Mbelin
- Perp. Sukajulu Rg. SUKMA
- Perp. Kuta Mbaru Pundi Rg. Sukma
- Rg. Batu Mamak LM
- Perp. Kuta Buara Rg. Kuala
- Perp. Negeri Jahe Rg. Negeri Jahe – Gunung Meriah
- Rg. Kuta Great
- Perp. Jandi Rg. Kidupen
- Perp. Lau Lingga
- Perp. Sigenderang Rg II Juhar, Perp. Ketawaren-Lau Kidupen, Perp. Sigedang Pinem, Perp. Naga, Perp. Juma Batu, Perp. Pamah Silep-lep Rg. BTT



- **Klasis Bekasi Denpasar :**

- Pos PI Labuan Bajo Rg. Kupang
- Perp. Singaraja Rg Denpasar
- Perpulungen Sukatani Rg Cikarang
- Perpulungen Solo Rg Yogyakarta
- Perpulungen Subang Rg Tambun
- Perpulungen Ungaran Salatiga Ambarawa Rg Semarang
- Perpulungen Manado Rg. Graha Harapan
- Perpulungen Makassar Rg. Bekasi
- Perpulungen Cikopo Rg. Bekasi
- Perpulungen Malang Rg. Surabaya

Topikna e me pengembangan ras pertambahan jemaat, keaktifen serayan (Detaser/Pt/Dk), pengurus bage pe perpulungen, pengadan ras ijin ingan kebaktin)

- **Klasis Sibolangit :**

- Perminggun Raja Berneh Rg Betimus Mbaru
- Perpulungen Pagar Batu Rg Basukum
- Perp. Tanjung Beringin Rg. Tambunen
- Perp. Saring Kulit Rg. Batu Sianggehen
- Perp. Namo Pakam Rg. Bingkawan

Topikna segelah kerina perminggun ras perpulungen enda ertambah-tambah pengertinna kerna kata Dibata, ertutusna bas kiniteken dingen erjingkatna ndahiken pelayanen-pelayanen gereja

- **Klasis Pembangunan Medan Delitua :**

- Rg. Kuta Beringin, Bajem T. Mbarolan
- Rg. Pasar VI Delitua, Rg. Kuta Baru

Topikna e me gelah serayan Tuhan ras perpulungen aktif i bas dahin Tri Tugas Gereja, setia ras reh tambahna jumlah ngawan/jiwa.

- **Klasis Kepri :**

- Pos PI Johor Bahru Malaysia (ngelitken dana guna sewa gedung kebaktin)
- Perpulungen Jodoh-Nagoya (ngelitken ingan kebaktin erkiteken lit informasi maka i bas bulan Juni enda kari ingan kebaktin si



genduari enggo mulihi ku pengembang emaka bangunen gereja si genduari arus ibongkar)

- Perminggun Trans-Barelang (permasalahen ingan kebaktin gelah secepatna erkendungen)
- Perminggun Barelang (pelayanen gelah ergiah-giah kalak Karo si lit i sekitar Barelang reh ku gerejanta GBKP)
- Rencana pembukaan PI ku Pulau Anambas (iprogramken i bas klasis guna mbuka daerah PI enda tapi perlu denga penjajaken)
- GBKP Rg Batu Aji (rencana i bas tahun enda ilakoken pemekaran ras sekaligus pembangunen gerejanta sada nari si mbaru).

● **Klasis Jakarta Kalimantan :**

- PJJ Cigombong ras Pengembangan ku Cianjur Rg Sukabumi
- Perminggun Jonggol Rg Cibubur
- Perminggun Penajam Rg Balik Papan
- Pos PI Sintang – Sekadau Rg Pontianak
- Pos PI Singkawang Rg Pontianak
- Pos PI Ketapang Rg Pontianak
- Pos PI Bengkayang Rg Pontianak
- Perpulungen Ngabang – Sungai Asam Rg Parindu
- Perpulungen Sampit Rg Palangkaraya
- Perpulungen P3S (Pundu, Parenggean, Pelantaran Sekitarnya Rg Palangkaraya
- Pos PI Pangkalan Bun Rg Palangkaraya
- Perpulungen Sangatta Rg Samarinda
- Perminggun Bontang Rg Samarinda
- Pos PI PTP (Pulosari, Tambangulang, Pleihari) Rg Banjarmasin

● **Klasis Medan Kampung Lalang :**

- Perp. Ujung Baru Rg. Berdikari (reh teremna perpulungen muat bagin ibas dahin-dahin pelayanen)
- Perp. KPG Pamah Rg. Berdikari (pembangunen gereja si nggo ndekah lenga dung)
- Perp. Durin Lingga Rg. Berdikari (tambah semangat ibas dahin Tritugas gereja)
- Perp. Dagang Kumbar Rg. Gunung Tinggi (Tutus ras tambah semangat ibas dahin pelayanen)



-
- Perp. Salang Paku Rg. Kampung Lalang (reh teremna perpulungen muat bagin ibas dahin-dahin pelayanen)
 - Perp. Pinang Baris Rg. Kesatria (semangat ras reh teremna perpulungen ngikuti kegiatan ibadah)
 - Rg. Namu Kamuna (Semangat dingin reh tutusna ndalanken Tritugas gereja)
 - Rg. Rampah Dua (ersada arih dingin semangat melayani)
 - Rg. Sidodadi (semangat melayani)
 - Perp. Semangat Baru Rg. Sempat Arih (reh tutusna perpulungen ngikuti dahin pelayanen)
 - Perp. Pasar Siwah Rg. Tanjung. Selamat, Rg. Sada Kata (reh teremna perpulungen muat bagin ibas dahin-dahin pelayanen)
 - **Klasis Medan Namorambe :**
 - Runggun Lubang Ido, Runggun Bekukul – Namu Pakam
 - Runggun Jaba
 - Runggun Namu Pinang
 - Perminggun Pondok Tengah
 - Bajem Gunung Klawas
 - Runggun Tangkahan
 - Runggun Kuta Lepar

Topikna e me gelah kerina perpulungen ras serayan tetap semangat ras megegeh nggeluhken kiniteken bas kegeluhen teptep wari)
 - **Klasis Medan Kuta Jurung :**
 - Perpulungen Tanjung
 - Perpulungen Simpang Kawat
 - Perpulungen Taduken Raga
 - Runggun Patumbak

Topikna gelah ngawan perpulungen e ergiah-giah ngikuti ibadah-ibadah sinibahan
 - **Klasis Medan Deli Tua :**
 - Perpulungen Laja/GBKP Runggun Penen (gelah serayan Tuhan ras perpulungen aktif i bas dahin perpulungen gereja, akses dalam mehuli, gelah dana pembangunen gedung KAKR ipasu-pasu Tuhan)



-
- Perpulungen Penungkiren/GBKP Runggun Penen (proses ngelitken rumah dinas Pdt ras gedung KAKR, gelah kerina serayan ras ngawan perpulungen aktif i bas dahin Tri Tugas Gereja, keuangen gereja guna persiapen jadi runggun),
 - Perpulungen Pernangenenen/GBKP Runggun P. R. B (akses dalam mejile, kerina serayan ras ngawan perpulungen aktif i bas dahin Tri Tugas Gereja),
 - Perpulungen Buluh Belin/GBKP Runggun P. R. B (proses ngelitken rumah dinas Pdt ras gedung KAKR, gelah kerina serayan ras ngawan perpulungen aktif i bas dahin Tri Tugas Gereja, keuangen gereja guna persiapen jadi runggun),
 - Perpulungen Rambai/GBKP Runggun P. R. B (gelah kerina serayan ras ngawan perpulungen aktif i bas dahin Tri Tugas Gereja)
 - Perpulungen Ujung Meriah/GBKP Runggun Periaria (proses renovasi gedung gereja erdalan alu mehuli)
 - Perpulungen Tembengen/GBKP Runggun Periaria (proses renovasi gedung gereja erdalan alu mehuli)
 - Perpulungen Kwala Uruk/GBKP Runggun Tanjung Berampu,
 - Perpulungen Namu Pinang Kuta/GBKP Runggun Simpang (gelah kerina serayan ras ngawan perpulungen aktif i bas dahin Tri Tugas Gereja)
 - Runggun Namu Mbaru/Salang Tungir (proses renovasi gedung gereja erdalan alu mehuli, gelah kerina serayan ras ngawan perpulungen aktif i bas dahin Tri Tugas Gereja)
 - Runggun Pertumbuken (gelah kerina serayan ras ngawan perpulungen aktif i bas dahin Tri Tugas Gereja, akses dalam mejile)
 - Runggun Bandar Bayu (gelah ngawan tetap setia ras ertambahna jumlah ngawan perpulungen, gelah pembangunen rumah dinas pendeta erdalan alu mehuli, Gelah kedewasaan perpulungen i bas dahin tri tugas Gereja bagepe keuangen Gereja guna kematangen jadi runggun)
 - Runggun Betala (gelah ngawan tetap setia ras ertambahna jumlah ngawan perpulungen, gelah pembangunen rumah dinas pendeta erdalan alu mehuli, Gelah kedewasaan perpulungen i bas dahin tri



tugas Gereja bagepe keuangen Gereja guna kematangen jadi runggun)

- Runggun Delitua Kuta (gelah proses pengumpulan dana guna pembangunen gedung gereja erdalan alu mehuli, kedewasaan perpulungen i bas dahin tri tugas Gereja bagepe keuangen Gereja guna kematangen jadi runggun)

- **Klasis Barus Sibayak :**

- Perpulungen Barus Julu - Rg. Tanjung Barus (rencana Pembangunen gereja gelah erdalan alu mehuli, perpulungen ras serayan tetap ersada arih)

- **Klasis Sumbagsel :**

- Perp. sikincau Runggun Bandar Lampung (gelah terjadi pertumbuhan jemaat i Sikincau janah serayan pe semangat melayani)
- Perp. Kota Bumi Runggun B. Baru Bandar Jaya (gelah lit pertumbuhan jemaat i sekitar perpulungen, erkiteken seh asa gundari 4 Kepala keluarga bergabung)
- Pos PI Kaur Runggun Bengkulu (serayan si pemena si bakal i tangkuhken banci melayani alu mehuli, Detaser si i tempatken banci melayani alu mehuli, semangat perpulungen gelah PI enda banci jadi sada bajem, BPMR Bengkulu banci ngarak ngarak perkembangan PI Enda)
- Pos PI Muaro Enim Runggun Palembang (BPMR Palembang banci ngarak ngarak PI enda alu mehuli, reh teremna Simpatisen mpetetap ukur bergabung ku GBKP),
- Perp. Pelayungen Runggun Muaro Bungo (pertumbuhen jemaat semakin berkembang)
- Perp. Patokan Runggun Muaro Bungo (pertumbuhan Jemaat semakin Berkembang)

- **Klasis Lubuk Pakam :**

- Perp. Rumah Liang; Rg. Tanjung Raja,
 - Perp. Deleng Gerat ras Perp. Bah Buntu; Rg. Rumah Rih
 - Perp. Gunung Paribuan; Rg. KM 95 Gunung Meriah
 - Perp. Bah Kuningan; Rg. Lubuk Pakam
- Topikna segelah kerina perpulungen tetap ertutus ate ertoto, gelah ersikapna relasi perpulungen ras Dibata)



-
- Perminggun Si bunga-bunga; Rg. Tiga Juhar (Segelah kerina perpulungen tetap ertutus ate ertoto, gelah ersikapna relasi perpulungen ras Dibata. Khususna perminggun Si bunga-bunga, gelahbanci ertambahna anggota perpulungen)

- **Klasis Jakarta Banten :**

- Pembentukan Perminggun Bumi Sepatan, Runggun Tangerang

- **Klasis Kabanjahe Sukarame :**

- Rg. Bakerah Simacem
- Rg. Kuta Gerat
- Rg. Sirumbia
- Rg. Nageri Kuta Suah

Topikna gelah perpulungen tetap paguh bas kiniteken dengen kerina ikut muat bagin ibas pelayanen gereja

- **Klasis Munte :**

- Perminggun Tiga Siempat Rg. Pernantin (segelah ergiah2 ukur perpulungennta muat bagian dahin gereja, bage pe proses pembangunan gereja danci meter dung)
- Perpulungen Gunung Manumpak Rg. Buah Manteman Munte (segelah reh semangatna ikut muat bagian bas dahin gereja)

- **Klasis Pancur Batu :**

- Rg. Namo Keling
- Perp. Namo Buhara
- Perp. Namo Kelungen
- Rg. Gunanta
- Rg. Basita
- Rg. Taruna
- Rg. Pancur Telu
- Rg. Tinala
- Rg. Kinala
- Rg. Kampung Merdeka
- Rg. Salam Tani
- Perp. Kuta Tuala

Topik doana segelah kerina runggun ras perpulungen enda ertambah-tambah pengertinna kerna Kata Dibata, ertutusna bas kiniteken dengen erjingkatna ndahiken pelayanen-pelayanen



gereja, rikutken pe Detaser, Pt, Dk si ngelai gelah ersada arihna
guna kiniulin pelayanen gereja Tuhan

• **Klasis Kuala Langkat :**

- Perp. Sugih Waras Rg. Batu Mandi
 - Perp. Selayang Lau Landak
 - Perp. Tanjung Naman Rg. Bohorok
 - Perp. Tualang Gepang
 - Perp. Bandar Tengah Rg. Gotong Royong
 - Perp. Salang Bayangen Rg. Kendi
 - Perp. Namo Tongan
 - Perp. Tanjung Negeri
 - Perp. Uruk Mbelin
 - Perp. Buluh Kumpal
 - Perp. Lau Buron Rg. Maryke
 - Perp. Simpang Sukarame Rg. Namu Ukur
 - Perp. Tanjung Merahe Rg. Padang Cermin
 - Perp. Bukit Dinding Rp. Selayang
 - Rg. Gunung Ambat
 - Perp. Turangie Baru
 - Perp. Terlok/Biak Mampe Rg. Simpang Pulo Rambung
 - Rg. Buah Apam
 - Rg. Durin Mulo Besadi
 - Perp. Bukit Jaya
 - Perp. Tanjung Putri Rg. Tanjung Keriahen
 - Perp. Lau Tepu Rg. Tanjung Langkat
 - Rg. Lau Gunung
- Topik doana segelah serayan Tuhan guna melayani ras enterem sipulung)
- Perp. Lau Seridi Rg. Buah Raja
 - Perp. Kinangkong Rg. Kuala Murak
 - Perp. Batu Galang
 - Perp. Sanggapura
 - Perp. Tanjung Merawa Rg. Proyek Simpang Burah
 - Perp. Bangun Jahe
 - Perp. Bangun Kede



-
- Perp. Adin Tengah
 - Perp. Bunga Rinte Rg. Telagah
 - Perp. Ujung Bangun
 - Perp. Batu Guru Rg. Bangun Mulia
 - Perp. Mbacang
 - Perp. Samir
 - Perp. Kaperas
 - Perp. Sulkam Rg. Cangkulen
 - Perp. Paranguam
 - Perp. Kampung Antara Rg. Pamah Tambunen
 - Perp. Batu Katak
 - Perp. Batu Jong-jong Rg. Namo Cengke
 - Perp. Garunggang Rg. Sampe Cita
 - Perp. Nambiki Rg. Gerat Namobetung
 - Rg. Tanjung Nguda
 - Rg. Pamah Simelir
 - Rg. Parit Bindu
 - Rg. Rih Sogong
 - Rg. Bungara

Topik doana segelah serayan Tuhan guna melayani ras enterem si pulung bagepe kerna dalan ku buah raja i perhatikan pemerintah

- Pos PI Dagang Batu Perp. Durin Mulo
- Perp. Namo Putat Rg. Sabah Pideren

Topik doanan segelah serayan Tuhan ikut ras Detaser i bas mbuka Pos PI i Dagang Batu segelah enterem si pulung)



